

Tiriki: Bible for Matayo
Formatted for Translators

©2022 Wycliffe Associates

Released under a Creative Commons Attribution-ShareAlike 4.0 International License.

Bible Text: The English Unlocked Literal Bible (ULB)

©2017 Wycliffe Associates

Available at <https://bibleineverylanguage.org/translations>

The English Unlocked Literal Bible is based on the unfoldingWord® Literal Text, CC BY-SA 4.0. The original work of the unfoldingWord® Literal Text is available at <https://unfoldingword.bible/ult/>.

The ULB is licensed under the Creative Commons Attribution-ShareAlike 4.0 International License.

Notes: English ULB Translation Notes

©2017 Wycliffe Associates

Available at <https://bibleineverylanguage.org/translations>

The English ULB Translation Notes is based on the unfoldingWord translationNotes, under CC BY-SA 4.0. The original unfoldingWord work is available at <https://unfoldingword.bible/utn>.

The ULB Notes is licensed under the Creative Commons Attribution-ShareAlike 4.0 International License.

To view a copy of the CC BY-SA 4.0 license visit <http://creativecommons.org/licenses/by-sa/4.0/>

Below is a human-readable summary of (and not a substitute for) the license.

You are free to:

Share — copy and redistribute the material in any medium or format. Adapt — remix, transform, and build upon the material for any purpose, even commercially.

The licensor cannot revoke these freedoms as long as you follow the license terms.

Under the following conditions:

Attribution — You must attribute the work as follows: "Original work available at <https://BibleInEveryLanguage.org>."

Attribution statements in derivative works should not in any way suggest that we endorse you or your use of this work.

ShareAlike — If you remix, transform, or build upon the material, you must distribute your contributions under the same license as the original. No additional restrictions — You may not apply legal terms or technological measures that legally restrict others from doing anything the license permits.

Notices:

You do not have to comply with the license for elements of the material in the public domain or where your use is permitted by an applicable exception or limitation.

No warranties are given. The license may not give you all of the permissions necessary for your intended use. For example, other rights such as publicity, privacy, or moral rights may limit how you use the material.



Matayo

1

¹Shitapu shyu Luvamba lwa Yesu Kristo, mwana wa Daudi, mwana wa Abrahamu. ²Abrahamu yivula Isaka, Isaka yivula Yakobo, Yakobo niyivula Yuda, na vamwavo veve. ³Yuda niyivula khu Tamara vaana Perezi nende Zera Perezi niyivula Hezironi, Hezironi niyivula Raama. ⁴Raama yivula Aminadabu; Aminadabu yivula Nashoni, Nashoni yivula Salmoni. ⁵Salumoni ni yivula Boaz khurula khu Rahabu; Boaz yivula Obedi khurula khu Rutsi; Obedi yivula Yese. ⁶Yese yivula Mwami Daudi, Daudi mwami yivula Solomon khurula khu mukhali wali wa Uria. ⁷Solomon yivula Rehoboamu, Rehoboamu yivula Abiya, Abiya ni yivula Asa. ⁸Asa yivula Yehoshafati, Yehoshafati Yoram; Yoram yivula Uzia. ⁹Uzia yivula Yotsamu, Yotsamu yivula Ahazi. Ahazi yivula Hezekia ¹⁰Hezekia yivula Manaase; Manaase yivula Amoni; Amoni yivula Yosia; ¹¹Yosia yivula Yehoyakini na avamwavo veve inyanga ya vaisraeli vahilwa muvuhambe Babilonia. ¹²Lwavalerwa khurul muvuhambe Babilonia, Yehoyakini yivula Shaliteli, Shaliteli yivula Zerubabeli; ¹³Zerubabeli yivula Abihudi, Abihudi yivula Eliakimu, Eliakimu yivula Azori. ¹⁴Azori yivula Sadoki; Sadoki yivula Akimu, Akimu yivula Eliudi. ¹⁵Eliudi yivula Eliazari, Eliazari yivula Matsani, Matsani yivula Yakobo; ¹⁶Yakobo yivula Yosefu: musaza wa Mariamu wivula Yesu ulaangwa Kristo. ¹⁷Makhula koosi khurangila Abrahamu khudukha khu Daudi ni makhula likhomi na kane; khurula khu Daudi khudukha inyanga yuvuhambe vwa Babilonia ni makhula likhomi na kane; khurula inyanga yu vuhambe vwa Babilonia khudukha khu Kristo ni makhula likhomi na kane. ¹⁸Khwiwulwa khwa Yesu khwalindi. Mariamu mama wewe lwayali ni yavekhwa khu Yosefu, nashili mukhana mujima, yanyolekha nali ni nda khuvirila khu zinguulu tsya Roho Mutakatifu. ¹⁹Yosefu musaza wewe yali mundu mulunji, shiyenya khudukha mutsisoni, yena khumulekha kalaha. ²⁰Lwayali naganakanaanga makhuva yaka, henza ingerosi yu mwami yalolekha khuye mu malooro, na yavoola," Yosefu musoleli wa Daudi, ukha heenda nukhulekha khumuvukula Mariamu khuva mukhali wowo. Shichila uvelekhelwe ni khuvunyali vwa Roho Mutakatifu. ²¹aliivula mwaana muyai, liira lye ulamulanga Yesu, shichira ye alahonyinya vandu khurula mu vwoni vwavo. ²²Kavele ndio kadukhe kavoolwa nu mwami khuvirila khu muporofeti; ²³Heenza, mujima alaheriza, alivula mwana; valamulaanga Imanueli; kali khuvola Nyasaye halala na khutse. ²⁴Yosefu lwa yavukha khurula mutsindoolo, yakhola shiinga ingelosi yu mwami ya muvoolera; navukula mukhali wewe. ²⁵Shiyaali naye khudukha lu mwana yivulwa; na mukulikha liira Yesu.

2

¹Yesu yiivulwa mu Bethlehemi yu Vuyuda zinyiinga tsya Herode mwami, heenza, vajeli varula ivukwi ni va dukha Yerusalemu. ²Vareeva alihena wivulilwe mwami wa vayuda? Shichira khuloli ing'ereng'ani yeye khurula ivukwi, khwiitsi khumusigamira. ³Herode mwami lwayahulira yaga yakanakaana nasumbukha mu mwoyo kwekwe, halala na Yerusalemu yoosi. ⁴Ni ya khavunjeritsa vasalisi, na vang'odi va vandu yakhaviritsa livoola lyavo," Kristo yivulilwe hena?" ⁵Vamuvoolera Mubethelehemu yu Vuyuda, khuli kang'odwa nu muporofeti; ⁶Bethlehemu lidala li Vuyuda, shyuli mutiti muvuyuda, shichira mwimilili alarulamu ulivaliinda vandu va Israeli. ⁷Herode yavalaanga vajeli na vareva mulyenyeritsa inyiinga yi ing'ereng'ani yalolekha khuvo. ⁸Yavaruma khutsya Bethlehemi; na vola, mutsyi mukhaviritse mwaana, mwakhamunyola munderere likhuva, khandi inze ndize khumusigamira. ⁹Lwavali vakhamala khuhulira mwami, vatsya, ing'ereng'ani yavalola ivukwi yali imbeli wavo khandi, yiitsa ni sinjira hu mwana yali. ¹⁰Lwa valola ing'ereng'ani vayanzitswa nu vuyanzi vukali. ¹¹Vamanya ni vinjira munsu, valola khaana na mama wewe Mariamu, vamusikamira, nivafungula tsikipa tsyavo, vamuha vihanwa; izahabu, vihuunya mwayu mulahi na manemane. ¹²Nyasaye yavakaya mumalooro, yavule khukalukha wa Herode, valonde khunjira yiindi yukhutsya mushivala shavo. ¹³Lwavali vakhatsya, heenza ingerosi yu mwami ya lolekha khu Yosefu mumalooro, navola vuukha uvukule mwaana na mama wewe, mwilukhile Egepeti, mumenye yo khudukha lwa ndimuvolera likalukha, shichira Herode akhavaanga khumwononyinya mwana. ¹⁴Ya vukha navukula mwaana halala na mama wewe mbutukhu, ni vatsya Egepeti. ¹⁵Vamanya yo khudukha likhutsa lya Herode, kadukhe khurwekhitswa kavoolwa nu Mwami nu khung'odwa nu muporofeti, wavola "khurula Egepeti nanji mwana wanje." ¹⁶Lwa Herode yalola umali khukatswa na vajeli, yitsula vurima na ruma vasikali, vadukhe khwiira vaana voosi vali mu Bethlehemi ni mihiga jiviri anoho hasi nu mutsiinzakho tsyosi khulondekha ni ya vajeinyiinga li vavula khukalukha khuye. ¹⁷Kalaakwa nu mu porofeti Yeremia kamanya kadukha khurwekhitswa, ¹⁸Mwoyo kuhulilikhanga Rama, lilila, lilisioma linyikhi, Raeli alililanga vaana veve, akhavujirira khuhonjeritswa, shichira shivaliho. ¹⁹Lwa Herode ya khutsa, Ingerosi yu mwami yalolekha khu Yosefu mumalooro nali Egepeti. ²⁰"Vukha na uvukule mwana na nyina wewe, uzi Israeli, yavo vakhavanga liiva lya mwaana vamali khukhutsa." ²¹Yavukha, navukula mwaana na mama wewe niyiitsa mushivala sha Israeli. ²²Lwa yahulira Arkelao naye yali niyamihanga Ivuyahudi, havugono ha tata wewe Herode, yaria khutsyayo. Nyasaye lwayali namukayi mumalooro yavira natsya Galilaya. ²³Yikhala mulidala lya Nazareti, kadukhe khukhurwekhizwa kavoolwa na vaporofeti, alalangwa mnazarayo.

3

¹Mumatukhu yako Yohana mubatisi, yiilwatsa mushangalangwe shi Vuyuda. ²Navoolanga, mwikanile munye, shichila vwami vwa Nyasaye vuli hiimbi. ³Na wuyu naye wa Isaya muporofeti yavoola makhuva keke naavoola, makambo kaa oyo uhanzukhaanga mushangalangwe, muloombe injira yu mwami, mulunjikhitse rhujira rhwerhwe. ⁴Na Yohana mwene

woyo yali ni inguvu yalombelwa khu wwoya vwi ingamia, nu lukhova lwishisero mushisindi shyeshye, na shyukhulia sheshe shali tsiisichi nu vuushi vwu mbulimo. ⁵Vandu voosi va Yerusalemu ni Ivuyuda, halala na madala koosi kali hiimbi nu mujera gwa Yorodani va mwitsila. ⁶Na ya vabatisa mu mujera gwa Yorodani, na nivikanira vwoni vwavo. ⁷Na vutswa lwa ya lola vafalisayo na masadukayo niviitsa mbunyishi khubatiswa, yavavoolera, "O munye likhula lyi tsinsukha, wiina yamuvoolera munyala khwihononokha vurhima vwa Nyasaye vwitsanga?" ⁸Mulerhe makhuyu kamanyinyanga likanila. ⁹Muvule khukanakaana nu khwivoolera, muli vaana va Abrahamu; mvoolera, Nyasaye ali novunyali khuchengulila Abrahamu vaana khurhula khu machina yaka. ¹⁰Lwene yulu ihaywa yirhechekhitswe khurhema misaala khurhanjira khumiri, khulwayako musaala kwosi kuvula khwama makhuyu malahi kularhemwa, nu khusuvwa mumulilo. ¹¹Inze mubatisanga mumatsi khutukhila mulikanila, navutsa woyo wiitsanga inyuma wanje ali ni tsingulu khuumbira, vilarho vyeveye shinyala khuchinga taawe: mwenoyo yiitsa khuvabatisa mu Roho mutsyenukhu, nu mumuliro. ¹²Lutelu lwelwe lukhwelula ali nalwo mumukhono kwekwe, aliitsa khweya hasi hehe maavunjelitse inganu yeye mushachi, navutswa ikhulio ilasambwa mumulilo kukhatsimanga taawe. ¹³Yesu yiitsa khurhula Galilaya natukha khu Yorodani, ha Yohana yali atukhe khubatiswa naye. ¹⁴Yohana yacheliza khumukaya na muvoolela, yinze ndukhana khubatiswa na yiwe na wiiza khwinze? ¹⁵Yesu yamuvoolela, lekha kave ndiono khulwenuyulu, shichila kakhutukhila khurhwekhitsa vulunji vwoosi. Na Yohana yamanya na mwiyamira. ¹⁶Na Yesu lwa yali niya khabatiswa, yarhula mumatsi vulunji; na heenza likulu lyikukha khuye, na lola Roho wa Nyasaye yikha khuye khuli Shituti, ni shiyela khu murhwi kwekwe. ¹⁷Mwoyo khurhula mwikulu kwavoola, "Uyu neye mwana wanje muyanze, nyanzizwa naye"

4

¹Yesu yimililwa na Roho Mutakatifu mushangalangwe, atukhe khuchelitswa na shetani. ²Na lwa yali ni yakhahoonga vuchila lilya matukhu makhomi kane, mmbasu nu vutukhu, yahulila inzala. ³Na muchelitsi yamanya niyiitsa khuye, namuvoolela, "Niiva uli mwana wa Nyasaye, loomba majina yaga kave mikati". ⁴Yesu yarevula na muvoolela kang'odwa, "Muundu shialava mwoyo shichila mikati taawe, nikhali alava mwoyo shichila vuli likhuva lirula mumunwa kwa Nyasaye. ⁵Shetani yamuhila mu litala litakatifu, namuvikha khu shisekese shi litempeleli ⁶Na muvoolela, "Niiva uli mwaana wa Nyasaye, isuuve hasi ; shichila kang'odwa, alahaana tsingerosi vakhulinde: na mmakhono kavo valakhuchinga ikulu, uvule khwisikarhala shilenje shyoshyo." ⁷Yesu yamuvoolela, kang'odwa khandi, "ukhachelitsa mwami Nyasaye wowo." ⁸Khandi shetani yamuvukula na muhila khushikulu shirambi muno, na mumanyinya vwami vwoosi vwishivala, nu vukhumi vulimu. ⁹Na muvoolela, "vindu yivi ndakhuha, niva ulagwa hasi usikamile." ¹⁰Na Yesu yamanya na muvoolela, rhula khu inze, shetani: shichila kang'odwa" yiwe ulasikamila Nyasaye ye wonyene nu khumurhumikhila." ¹¹Shetani yamanya na lekhana naye, heenza tsingelosi viitsa ni vamurhumikhila. ¹²Lwa Yesu yahulila Yohana umali khuvikhwa mushivoho, yarhula natsya Galilaya. ¹³Ni yakharhula Nzareti, yiitsa namenya {Kapenaum} ili himbi khunyanza, mutsinzakho tsya Zabulon na Naphtali. ¹⁴Kakholekha ndi khukatukhe kaalagwa nu muporofeti Isaya, lwayavoola, ¹⁵"Mushivala shya Zabulon, nu mushivala shya Nephthali, munjira yi inyanza, imbeli wa Yorodani, Galilaya ya vanashivala! ¹⁶vandu vamenya mushisundi valooli vulavu vugali; na khuyavo vamenyanza mushivala nu mu shinini shyi shisundi shilikhuza, khuvo vulavu vusenukhe." ¹⁷Khurhula inyiinga yeyo Yesu yarhanga khwilwatsa, na voola "Mwikanile; shichila vwami vwu mwigulu vuli hiimbi." ¹⁸Lwa Yesu , yali na cheendanga khu luchiinga lwi inyanza ya Galilaya, ya loola vaamwavo vavili, Simoni, walangwa Petro, na Andrea amwavo wewe, nivasuuvanga ineti yavo mu inyanza: shichila vali valuvi vi tsisutsi. ¹⁹Yavavooolela, "Hambi munonde, nadamukhola a valuvi va vandu." ²⁰Valekha vwangu tsineta tsyavo, nivamulonda. ²¹Lwa Yesu yali na rhula haweneyaho, yamanya alole vamwaavo vandi vavili: Yakobo mwaana wa zebedayo, na Yohana amwavo wewe, vali mu lyarho na papa wavo Zebedayo, nivanavanga tsineta tsyavo, navalaanga. ²²Navo valekha vwangu lyarho na papa wavo, ni vamulonda. ²³Yesu yajeenda mu Galilaya mwoosi, ni yilwatsa mu masinakoki gavo, nu khulandiza Ivanjeli yu vwami vwu mwigulu, na honyinya malwale koosi, nuvudedekhere vw0osi muvandu. ²⁴Lukhumu lwelwe lwalanda mu Syria yosi; ni vamulerela vandu voosi valwale vitsinganu tsoosi, vaminikha na yavo vali na matimoni, vashiinda indulume, vafokoya, na va honyinya vosi. ²⁵Mukanda mukali kwamulonda, khurhula Galilaya , na Dekapoli, na Yerusalemu, na Yuda, nu khulujerekha lwu muchela kwa Yorodani.

5 ¹

²Nayakhunula munwa gwegwe na vechitsa na voola, ³Vali nu vugasu vali nuvudakha mu mioyo chavo shichira vwami vu mwikulu nu vwavo. ⁴Vali nu vugasu yavo valilaanga: shichira valahonjeritswa [khuleminywa]. ⁵Vali nu vugaasu yavo vali nuvuhoma shichira valanyoola miandu chi mwirova. ⁶Vali nu vugaasu vali ni inzala nu vuluhu vwa kakilikali: shichira valiikuritswa. ⁷Vali nu vugaasu vali ni tsimbavasi :shichira valavelwa tsimbavasi. ⁸Vali nu vugaasu vali vaseretse mu mioyo: shichira valaloola Nyasaye. ⁹Vali nu vugaasu valombi vi mileembe: shichira valalaangwa vaana va Nyasaye. ¹⁰Va nu vugaasu yavo vataambitswa shichira vwakilikali: shichira vwami vwu mwikulu nu wwenyu. ¹¹Muli nuvugaasu munye lwa vandu vamwambakhananga nu khuvataambitsa nu khuvoola vindu vidamanu vyuvuvehi khumunye shichira inze. ¹²Muyaanze na muve nu vuyaantsi vunyikhi shichira nindio vataambitswa vaporofeti vali imbeli wenyu. ¹³Munye muli munyu kwi lilova: na munyu nu kugoritse shinoji shakwo, shukulava munyu khandi, navutsa kulasuvwa ilwanyu, nu khuduvakwa ni virenje vya vandu. ¹⁴Munye muli vulavu vwilirova. Lidala lili khushikulu shilinyala khuviswa. ¹⁵Vandu shivahambitsa itaaha nukhuchivisa mulwalo, navutsa vavikha khu imesa, ni yaakha , yaakhe khuvoosi vali munsu. ¹⁶Vulavu wenyu vwaakhe khuvandu, na valole vikholwa vwenyu vilahi, na vitsominye Tata

weru uli mwikulu.¹⁷ Mukhakanakaani ndiitsa khuliononya lilako, anoho vuporofeti: shindinza khwononyinya, navutsa khurwekhitsa.¹⁸ Kakelikali vavoolera, liikulu ni lilova vilavira, navutsa inukuta khali indala shilagora mulilaga, khudukha vindu vyoosi virwekhitswe.¹⁹ Khulwayako mundu ulimunaka lilala khu maloko yaka, khandi nu yeechitsa vandu khukamunaka, alalaangwa mutiititi mu vwami vu mwigulu, na ulieechitsa koosi nukhukhola, alalangwa mukali mu vwami vu mwikulu.²⁰ Khuvavoolera munye, vuluunji wwenyu vukhavira vuluunji vwa vang'odi na vafarisayo, shi mulinjira mu vwami.²¹ Munye mwahulira kavoolwa mu zinyinga zia khale, ukhiira taawe, na khuvoosi wiira alava muvutinyu vwi likhalachilwa.²² Navutsa vavoolera munye, khuvoosi uliiva nu vurima khu amwavo wewe vuchira shivune shioosi. alava muvutinyu vwilikhalachilwa nakhu voosi u livoolera amwavo wewe, "uli mundu musilo" alayaalwa mu shiina sha vamihi; na khu voosi ulimuvoolera amwawowe, "Uli muyiingwa" alava muvutinyu khusuuvwa mumuliuro ku mu shihatisi.²³ khulwayako nuva nuleera isadaka khuvwali, ma wiitsukhitse amwavo wowo akhugosere,²⁴ Lekha isadaka ha vwali, ma utsi khuloomba mileembe na amwavo wowo, khu wiitse kuhana isadaka yoyo.²⁵ Loomba lihuliikhitsana vwangu nu muyaali wowo, numushili khuinjira nashili kuhila mukoti, anoho muyaali alakuhira khumukhalachi, na mukhalachi alakhuvikha mu makhono ku musikali na ulahlilwa mucheela.²⁶ Kakiliikali muvoolera, shularula ilwanyu nu kharunji tsisenti tyoosi tsia uva nu vasiilwe..²⁷ Mwahulira malako kavoolwa navo mutsinyinga tsia khale, mukhaheya mba: ²⁸Navutsa mu voolera: khuvosi uhenza khu mukhali ni likhaayilwa umali khuheya naye mu mwoyo kwekwe.²⁹ Niiva imoni yoyo yu khumukhono mulunji ikhuloomba wisikarale, uchirulitse ma usiive:shichira nuvulayi khukoriza shivelo shilala, khuvira muvili kwoosi khusuvwa mu shihatisi.³⁰ Niiva mukhono kwokwo mulunji kukhuloomba wisikarale, ukureme kurule ma ukusiive .shichira nu vulayi khumunye shilala khuvivero vyenyu khukoritwa, khuvira muvili kwenyu kwoosi khusiuvwa mushihatisi.³¹ Khandi kavoolwa, "mundu ni yenya khulekha mukhali wewe amung'odere ipalwa yu khulekhana:" ³²Navutsa vavoolera munyee, ulilekha mukhali wewe ni khali shichira vuheyi, amukhoola ave muheyi, na khuvoosi ulimuhila akhoola vuheyi naye.³³ Khandi mwahulira kavoolwa khuvo mutsinyinga tsia khale. Ukhisuuha lisuuha lyuvuvehi khunyasaye, navutsa haana lienya lyolyo khu Mwami: ³⁴Navutsa vavoolera munyee, ukhisuuha khulikulu mba; Shichira ni shisoko shyu vwami vwa Nyasaye; ³⁵Anoho ukhisuuha khu lirova; shichira ni shitulwa shi vilenje vievie; noho khu Yerusalemi; shichira ni litaala liu Mwami mukali.³⁶ Khali uhisuuha khumurwi kwokwo, shichira shunyala khulomba lishwii lilala khuva lilavu anoho limwamu.³⁷ Lekha limoloma lyenyu live "Yee, Yee, anoho "Awa, Awa": shchira khuvira yaka kavula khu matamanu.³⁸ Mwahulira kavoolwa, imoni khu imoni, lino khu lino. ³⁹Navutsa vavoolera munyee, mukhahiingana nu vutamanu: navutsa ukhusaamula luseya lu mukhono mulunji, muhe khandi lu mukhono mukaata asamulekhu.⁴⁰ Na mundu na khuyaala khu lilako, mavukule likoti lyolyo, lekha a vukule khali ikanza yoyo khandi. ⁴¹Na khuvoosi ukhunika umuhile imaili indala muhile tsmaili tsivili. ⁴²Ukhusavaanga muhe khandi wenya khuvukula khuive ukhenya akhukalukhitsile mba.⁴³ Na mwahulira kavoolwa, uyaanze murende wowo, na wambakhane mutsiku wowo. ⁴⁴Navutsa vavoolera munyee, uyaanze vatsiku vovo, ukasitse yavo vakhulaamanga, ukhole vulayi khu yavo vakwambakhananga ive, khandi uvasalile va khusahanyinyanga nu khukhutambitsa. ⁴⁵Mudukhe khuva vaana va Tata wenyu uli mwikulu:shichira aloomba liuva lyakha khu vataamanu na valahi; na alera imbula khukhuva khu valunji na vakhali valunji. ⁴⁶Niiva mulayaanza vamuyaanza munye vonyene, ni matanyi shiina kamunyola? Khali makuru kukhusolola vusuru na vitsihiiri shi vakhola ndio.? ⁴⁷Nu mushelitsa vamwavo venyu vonyene, muvirila shina vandu vandi? Khali vitsihiiri shi vakhola ndio? ⁴⁸Khu lwayako muve vaseretse, khuli Tata wenyu wu mwigulu ali museretse.

6

¹Muhenze mukhakhola vulunji wwenyu imbeli wa vandu, mudukhe khulolekha navo:khulwayako shimulanyola matanyi khu Tata wenyu uli mwikulu. ²khulwayako, lwamuhananga vukhonyi khu vamanani, mukhavooleli vuli mundu woosi khumwitsominywe. Mukhava khuli vakaati vafarisayo vikholakholitsa khulolekha valunji mumatempeli nende khutsinjira, khu vandu vavitsomiye. Kakirhikali vavoolera munyee vamala khunyola matanyi kavo koosi. ³Navutsa lwamukhonyanga vamanani kholi ndio vujila khuvoolelaku mundu woosi khuli mukhonyanaanga; mukhalomba shiumukhono mukhali kurulitse mukhono mulunji kumanye taawe: ⁴Haani vukhonyi wwenyu khu vandu muvvisu; na Tata wenyu uloolo kamukhola mu vwivisu aliitsa khumurunga matanyi kee. ⁵Lwamusaala, mukhava khuli vandu vikholakholitsanga khuva valunji: shichira vayanza khusaala mumasinagoki nende ni vasinjire muvwavukhanilo vwi tsinjira, shichira valolekhe na vandu kakilikali vavolera, vanyola khale mirungo chavo. ⁶Nikakhali munyee lwa musaalanga, mwinjire munsu, ma mwikale miliango, musaale khu TaTa wenyu uli havwivivisu: na Tata wenyu uloolo muvwivisu alamuha mirungu. ⁷Navutsa lwa munye musaala, mukharumikhila mukhuva manyiikhi kavutswa khuli vitsihiri vasaalanga; shichira vakanakaana valahulilwa khu makhuva kavo manyiikhi. ⁸Khulwayako, mukhava khuli yavo:shichira Tata wenyu yamanya lienya lienyu, nu mushili khu mureeva. ⁹Munyee musaale ndi:"Tata weerhu uli mwigulu, lyiira lyoolo lyiitsominywe; ¹⁰Vwami vwovwo wwiitse, vulaaliri vwovwo vukholwe mwiirova muni, khuli vukholwa mwiikulu. ¹¹Leero Ukhuhe vyuukhulya vyeerhu vya khase. ¹²Ukhusamiihe vwooni vweerhu, khuli khu samiiha vakhwoononeranga. ¹³Ukhakhuhila mu macheritso mba, navutsa ukhurulitse mu tsiimbi. Shichira vwaami .Ni tsingulu, nu vukhumi. Ni vyoovyo, mihiika ni mihiika. Amen. ¹⁴Shichira nu khusamiiha vandu vamwoononeranga Tata weru wumwigulu alamusamiiha munyee. ¹⁵Navutsa munye muvula khusamiiha vandu vamwoononeranga, khandi Tata wenyu shaliitsa khumusamiiha vutamanu wwenyu vwamukholanga. ¹⁶Makhaandi lwa muhonga vuchila khulya, mukhava, khuli vakaati, viviikha vuveereri mutsimoni tsiavo nu khwisamukhitsa, vadukhe khulolekha na vandu vahongi vuchila

liilya. kakirhikali muvolera munyee, vaamala khunyola matanyi kavo. ¹⁷Navutswa munyee, lwa muhonga vuchila liilya mwivakhe makura mmurwi khandi musaave mumoni. ¹⁸Muvule khulolekha khu vandu muhongi vuchila liilya: na Tata uloola mu vwisu, aliitsa khumurunga. ¹⁹Mukhivikhila miandu khulilova khunu, hatsisere nu vurerelembe vyononyinya viononyinya viindu, khandi ha vanuuli vinjira nu khwiva. ²⁰Navutswa mwivikhile munye vene maviikhilo kenyu mwigulu, ha tsisere noho vurerelembe vikhononyinyaanga, na ha vanuuli vakhinjira nu khwiiva. ²¹Na miandu chocho chiliitsa khuva na noho hu mwoyo kwokwo kuliva khandi. ²²Imoni neyo itaha yu muvili. khu imoni niva indahi muvili kwosi kulava nu vulavu. ²³Navutswa imoni niva indamanu, muvili kwosi kulitsula shisundi. Na nikava vulavu vuli mumunye vulava ni shisundi, kalava muli mushisundi muno! ²⁴Shihaliho nu mundu uunyala khurumikhila vami vaviri, shichira ala dunyira mulala, na ayanze wuundi, anaho alayanza mulala, na wundi alamuchaya. Shunyala khurumikhila Nyasaye ni tsisendi. ²⁵Khu lwayako vavolera munyee, mukhahendeli limenya lyenyu, shiana sha ninyanye, noho shina shamung'wa, anoho khu muvili kwenyu sha mwifwala. Vulamu shiuvwavira shiukhulia, nu muvili shikuvira tsinguvu tsyukhwifwala. ²⁶Mulolere khu manyonyi kumwikulu: shikarakaanga na shikachesaanga, anoho khwivikhila mushaji. na Dada weru wu mwigulu akalikhitsaanga. Munye shiumuli valayi khuvira manyonyi? ²⁷Wiina khumunye uheenda mwoyo, anyala khwiimeta vurambi vu mukhono mulala? ²⁸Shichira shiina muheendera mwoyo shamufwala? Muheenze khu vimuli vili mumilimi khuli vidukha. Shivikhola mihiinsi, anoho khwinavira tsinguvu. ²⁹Navutswa muvolera munye, Khali Solomoni muvukhumi vwevwe shiyafwaala khu khuli lilala khu yaka. ³⁰Khu niiva Nyasaye anyala khufwaala vimuli vyii mirimi, viliiho nunundi, na mukamba viremwa nukhuvikhwa mumulilo. shalavafwaala munye khuvira yivi, o munye vili suuvila litiititi? ³¹Khu lwayako mukhakanakani, nu khuvoala, khulanyanya shiina? anoho khulang'wa shiina? anoho, khulifwaala shiina? ³²Vandu vitsihiri tsindi navyo vyakhavaanga, na TaTa wenyu wu mwikulu yaamanya muli nilyenya li vindu yivi. ³³Navutswa mukhaave vwami vwa Nyasaye, nu vulunji vwevwe, na vindu yivi vyosi mulametwa [mulahelwa]. ³⁴Khu lwayako mukhakanakani ka mukamba; mukaamba kulikanakaanila vindu vyakwo kwene. Lekhi Vuli litukhu live nu vutiinyu vwalio liene.

7

¹Mukhakakhalachiri vandi, khu na munye mulivula khukhalachirwa. ²Shichira likhalaka lyukhalaka, nalyo lyulikhalajirwa nalyo, shichero shyu chererangamu nashyo shyulicherelwamu. ³Shichira shiina ulolanga shisaala shili mu imoni ya amwavo wowo na yiwe shyulola shitonye shyu musaala shili mu imoni yoyo? ⁴Anoho unyala ndii khu khumuoolera amwavo wowo, lekha ndulitse shisa mu imoni mwo: naiyiwe mwene nuli ni shitonye shyu musaala shili mu imoni yoyo? ⁵Vukaadi khwikhola khola uli muluunji, ranga urulitse shitonye shili mu imoni yoyo, khu unyale khulola vulahyi, utukhe kkhurulitsa shisaala shili mu imoni ya amwavo wowo. ⁶Mukhaha tsisimbwa vindu vitakatifu, anoho mukhasuvi tsilulu tsenyu imbeli wi tsimbiitsi tsikhitse tsiasenaka a khandi tsivakalukhane nu khuvarandulamu vitonye. ⁷Musaale na munye mulahelwa, mukhaave na munye mulanyola: mwikulihitse na munye muligulilwa. ⁸Shichila vuli asaalanga ahelwanga: na woyo ukhavaanga anyolanga: na uyu yigulihitsanga aligulilwa. ⁹Anoho nu wiina khu munye nikakhavele mwaana wewe na musava mukati alamuha lijina? ¹⁰Anoho mwaana na musava isutsi alamuha inzukha? ¹¹Niiva munye va muli voni mwamanya kuhana khu vaana venyu vihanwa vilayi, ni khanga ligali kha Tata wenyu wu mwikulu alavaha vindu vilayi yavo vamusaalanga? ¹²Khulwayako shyosi shyosi sha wakhayanzi vandu vakhukholele, na yiwe vakholele ndyo. Yili nalyo lilako na vaporofeti. ¹³Mwinjile khuvirila mu muliango mulunji: shichira muliango muvambalalu ni injila imbayuukhu yimililanga mulitivitsa, navo vandu vavirilakhuyo ni vanyikhi. ¹⁴Navutswa shilivwa ni shinyerere na injira ni indinyu ihilanga vandu mulivamwoyo, na ni vatiititi vajinyolanga. ¹⁵Muve vacheli khu vaporofeti vu vuvehi vamwitsilanga nivikholanga khuva makoondi, navutswa mukari mwavo ni visalang'ong'o vinyala khumurandulanyinya nu khumulia khuli tsimbiitsi. ¹⁶Mulavamanya khulondekhana khu vikholwa vyavo. Tooto, khunyala kuhatuula matunda ki misabibu khurula khu misaala cha mawaa, anoho makhuyu khurula khu marakaluu? ¹⁷Khulwayako vuli musaala mulahi kwamanga matunda malahi, navutswa musaala mutamanu kwamanga matunda matamanu. ¹⁸Musaala mulahi shyukunyala khwama matunda matamanu, khandi musaala mutamanu shyukunyala khwama matunda malahi. ¹⁹Vuli musaala kukhaminyanga matunda malahi kuremakanyinyangwa ma kusuvwa mumulilo. ²⁰Khu lwayako mwiitsa khuvamanya khulondekhana khu vikholwa vyavo. ²¹Shichira shikali vuli mundu unanganga mwami mwami: aliitsa khwinjila mwikulu navutswa ni akholanga vulalili vwa Paapa wanje ali mwikulu. ²²Litukhu yelo, vanyikhi valiitsa khumbolela mwami, mwami shyukhwarulitsa vuporofeti mulira lyolyo, khandi mulira lyolyo khwakhunga matemoni? khandi mu lira lyolyo khwakhola mihiinsi chi vilolekhitso? ²³na inze ndiitsa vavolele havulavu shindavamanya taawe, ruli khuyinze munye vakholi vu vutamanu. ²⁴Khu lwayako uhulilanga makhuva kaanje nukhukakhola, alahasanyinywa nu mundu mucheli yumbakha insu yeye khu lwanda. ²⁵Imbula lwayakhuva, michelela cha maatsi chikholomokha nu vushindu vvwishihutsutsu nuvuduya insu yeyo, navutswa shiyakwa taawe, shivune yali niyumbakhwa khu musinji ku lwanda. ²⁶Khu vuli uhulilanga mang'ana kaanje yaka, ma avule khu kakhola, alahasanyinywa nu mundu musilo, yumbakha insu yeye khu muyeeshe. ²⁷imbula lwa yakhuva, michelela cha maatsi chikholomokha, na, vushindu vwiimbuutsa nuvuhuutsa nuvuduya insu yeneyo nayo yakwa hasi nu muhumu mukali. ²⁸Lwa Yesu yali yakhamala khuvoala makhuva yaka mukanda kwa vandu vamuhulikitsa vachenya khulondekhana khu mechitso keke. ²⁹Shivune yechitsa khuli mundu wuvunyali, shiyali khuli vechitsi vavo va malako.

8

¹Lwa Yesu yiikha haasi khurula khushikulu,mukanda mukali kwamulonda. ²Na mundu wali yalwala vuchele yiitsa na musikamila imbeli wewe na voola, "Mwami, niva unyala khwenya unyala khundakasa. ³Yesu yamanya nanyiila mukhono kwekwe na mutiila, na muvoolelala, ndenya; takasikha.munyinga yeyo mundu woyo natakaswa vuchele vwevwe.⁴Yesu yamanya namuvoolela, ukhavoolela shyosi shyosi khu mundu wosi wosi. Navutswa tsia wilolekhitse khu musalisi na urulitse shihanwa shalakwa na Musa shive shilolekhitso khuvo!⁵Yesu lwa yinjila Kapenaumu, mwimilili wa vasikali va varoma mulala yiitsa khumureva, ⁶Na mu volela "mwami murumikhi wanje a koni hasi ingo alwala indulume na anyakhanaga muno. ⁷Yesu yamuvoolela, nditsa khumuhonyinya.⁸Navutswa musikali woyo yamuvoolela, Mwami inze shindukhane yiwe khwinjile munsu mwanje; na vutswa voolaza ling'ana lilala vutsa na murumikhi wanje alahona. ⁹Inze ndi mundu ali hasi ha vimilili vandi khandi vandi vali hasi hanje mu maloko.Lwambolela mulala tsia atsitsanga na wundi hamba yitsanga, na khumurumikhi wanje khola yiishi akholanga. ¹⁰Yesu lwa yahulila mang'ana yaka, yachenya navolela yavo vamulondanga, kakirhikali vavoolelanga,shili khulolaku lisuuvila likali khuli yili mu Israeli.¹¹Muvoolela ndii vanyikhi valiitsa khurula ivukwi ni imatiooli navo valikhale hasi halala na Abrahamu, na Isaaka, na Yakobo mu vwami vwu mwikulu. ¹²Navutswa vaana vu mbwami valiitsa khusuvwa ilwaanyi mushisundi, iweneyo vandu valitsa khulilila nu khuteteyitsa mino. ¹³Yesu yavoolela musikali woyo,"tsia ingo nako ka usuuvile kalarwekhizwa khu yiwe.Ma murumikhi woyo yahona khurula mutsisa yetso.¹⁴Lwa Yesu yinjila munsu mwa Petero, yamunyola nakhuvizala wa Petro nakoni khushitali na lwalanga murengo. ¹⁵Yesu yamukumila khu mukhono kwekwe ma murengo kumurula, navukha naranga khuvaha shiukhulia.¹⁶Lwa hamukolova hatukha vamulerela vandu vanyikhi vali na matimoni; nakhunga matimoni khu likhuva lyelye, nakhuvahonyinya valwale vosi. ¹⁷Khu ndii karwekhitswe kavoolwa nu muporofeti Isaya ndii:" Ye mwene yavukula vudedekhele vweru, nahonyinya vulwale vweru."¹⁸Lwa Yesu yaloola mukanda mukali kwa vandu kutsiitsajililanga khumedekha yavoolela veechitswi veve vambukhe, nukhutsia khu luchelekha lwa khavili lwi inyanza ya Galilaya. ¹⁹Na mweechitswi mulala wililako yiitsa khu Yesu na muvoolela, mweechitsi, inze ndakhulonda hosi hosi hutsia. ²⁰Navutswa Yesu yamuvoolela "vivwe vili nitsimbangaywa tsiavo, na manyonyi ku mbwerefuru kali ni vitsu vyavo, navutswa inze mwaana wu muundu mbula hukhuvikha murwi kwanje."²¹Mweechitswi wundi namuvoolela, mwami mbee munwa mbalyo nzii khuyavila isee wanje. ²²Navutswa Yesu yamuvoolela, "Nonda, lekha vakhutsa vayavile vakhutsu vavo."²³Lwa Yesu yinjila muliaro veechitswi veve vamulondamu. ²⁴Na heenza imbuutsa indulu yahuutsa munyanza na viguvuli vienia vikhunika lyaro yelo:navutswa Yesu yali nakoni. ²⁵Veechitswi veve vitsa khumuvukhutsa na vavola "Mwami, khusole khudivanga!"²⁶Navutswa Yesu yavavoolela shichira shiina muritsanga, mune avari ni lisuuvila litiititi?. Naysinjila, nakondekhela imbuutsa nni inyanza: na vyahonjela, vwirulili vuvaho muno. ²⁷Vandu vachenya varevana, nu mundu wa lukanu shiina uyu, khali vushindu ni inyanza vimuritsanga?"²⁸Lwavadukha hanjelekha ha Genesareti vandu vavili va matimoni vakaana naye.vandu yava vamenya mu viliindwa na vahenditsanga shikha shyamundu avulakhuvira khu injila yeyo. ²⁹Vahanzukha ni vavoola "wenya shiina khukhutse yiwe mwaana wa Nyasaye? Wiitsi hanu khukhutambitsa inyinga yeru ni shili?".³⁰Ihaale hati haliho ni shiduma shi tsimbiitsi ni tsilitsanga. ³¹Matimoni yako katsianyinyina khumusaya ni kamuvolelanukhukhunga nuyaanza lekha khutsi mu shiduma shi tsimbiitsi yezo. ³²Nayakavoolela " tsi", na karula nikinjiramu na shiduma shiosi sharekukha maliviri khutsia mululiva lwi inyanza ma kadivila mu maatsi kiinyanza. ³³Avaayi vi tsimbiitsi viitsa vilukhila mwitaala ni viivala vuli shindu na kikholekha khu yavo vali na matimoni. ³⁴Na heenza litaala lyosi liitsa khwaganila Yesu: na lwa vamulola vamusaya arule khuluchelekha lwavo.

9¹

²Khandi, heenza vamulerela mundu yafokoya nali khushitali:Na Yesu lwa yalola lisuuvira liavo yavoolela mundu yafokoya:Mwaana wanje , suuvira, vwoni vwovwo vuvererelwe.³Henza, vang'odi valala vavoolerana vene khu vene, mundu uyu anyeka Nyasaye. ⁴Na Yesu shichira yamanya tsinganagani tsiavo, yavavoolera, shichira shina muganangananga vutamanu mu mioyo chenyu? ⁵Lili hena lili litotro, khuvoolera mundu yafogoya uyu vwoni vwovwo vumali khusamihiwa, anoho khuvoola, sinjira uchende? ⁶Khu mudukhe khumanya mwana wu mundu ali nitsiingulu mu liirova tsiu khusameha vwoni, Yesu yamanya navoolera mundu ya fogoya, sinjira, vugula shitali shiosho utsi munzu mwomwo.⁷Na mundu yali niyafogoya woyo yasinjira natsia munsu mwemwe. ⁸Navutswa lwa shiduma shilola yako, vali nilichenya, nivitsominya Nyasaye ya hana tsingulu khuli yitsi khu vandu. ⁹Na Yesu lwayarula hawenaho, yalola mundu musadza yalangwa Matayo niyikhale munsu ya vasololelamu vushuru,namuvoolera nonda, naye yasinjira vwangu na mulonda.¹⁰Na kadukha lwa Yesu yali niyikhaale munzu mwa Matayo, nalitsa shyukhulya, henza vasololi vuvushuru vanyikhi na voni, halala na veechitswi va Yesu, vitsa ni valia halala naye. ¹¹Na lwa vafarisayo valola ndio,vareva veechitswi va Yesu, shichira shina mwami wenyu asanganga shyukhulya na vasololi vu vushuru na voni?¹²Lwa Yesu yahulila ndio yavoolera, vandu vali valamu shivenya mushirikhi tawe,navutswa valwale navo venyanga mushirikhi. ¹³Navutswa mutsii mweke shivune sha mang'ana yaga ., Kavoolanga, ndenya tsimbavasi, navutswa visiuvirilo tawe:shichira shindiitsa khulanga valunji tawe, navutsa vooni viganire.¹⁴Khandi veechitswi va Yohana mubatisi vitsa khu Yesu ni vamureva ,shijira shina khutse na vafarisayo khuhonga vuchira khulia vuli khase navutsa veechitswi vovo shivahongakhu vuchila khulia tawe? ¹⁵Yesu yavarevulila, vacheni vu musadza aselele mwiha vanyala khuverera musadza mwenoyo naliho? Navutsa matukhu kitsanga, ku musadza yaselera mwiha yiitsa arulitsweho, nalwo vali honganga vuchila khulia.¹⁶Shaliho nu mundu anaviranga shilaka shiyia khu inguvu ikhulu, shichira shilaka shiyia shililinga a shirandule inguvu yeneyo, nayo ilarandukha vutamanu.¹⁷Khandi vandu shivatsukhakhu idivai impia maseelo makhulu

taawe,maseelo keeneyako kaliitsa khurulikha, idivai isundukhe yosi, ma maseelo konekhe:Navutswa vavikha idivai impia mu maseelo mayia, na vyosi vila va vulahi.¹⁸Lwa Yesu yali navoolanga makhuva yaka khuvo,heenza mwamihi mulala khuvamihi va vayahudi yiitsa namusikamila imbeli wewe.Navoola, "Mwaana wanje mukhana arula khukhutsa lweneyulu, navutswa hamba uvikhe mukhono kwokwo khuye, naye alava mwoyo".¹⁹Na Yesu yasinjira namulonda, na khandi veechitswi veve valondekhana naye.²⁰Heenza, mukhali wali yanyakhana nu khuraatsa masahi khu mihika likhomi na chivili yitsa inyuma wa Yesu na kumila khulupindo lwi inguvu ya Yesu.²¹Shichira yali niyivolele "Niiva ndatiila vutswa khu inguvuye, ndahona".²²Na Yesu yamanya yishevukhe na mulola, namuvolela "Mwaana waje wi shikhana luvilila ndio, lisuuvila liolio limali khuhonyinya".Na mukhali woyo yamanya na honiyiwa khurula khu isa yeneyo.²³Lwa Yesu yinjira munsu yu mwami woyo, yalola vakhuvi vi indulelele vali mwiyo na shiduma nivimbanaga tsinyimbo tsu khwikhula.²⁴Na yavavolela "Ruli munu shichira mwana wi shikhana wuyu shakhuzi mba, navutswa akoni tsindoolo." Navo vamusekheliza khumukholela shihenyehe.²⁵Lwi shiduma yesho shali shiruli ilwany, yinjira muinsu hu mwaana wi shikmwana wi shikhana yali ma namukumila mukhono, na mwaana wi shikhana woyo navukha.²⁶Makhuva kuvuhonyi yuvu kamanya kalandizwe mu lusomo lwenolo lwosi.²⁷Lwa Yesu yasimukha khurula iweneyo, vavekhu vavili vamulonda.Vatsilila khuhanzukha nu khuvoola, "Ukhuvele tsimbavasi, mwana wa Daudi!"²⁸Lwa Yesu yali yakhinjila muinsu, vavekhu yavo vitsa khuye.Na Yesu navareva, "Musuuvila nyala khumuhonyinya?" Navo vamuvolela, "Yee mwami unyala."²⁹Yesu yamanya akumile khu tsimoni tsiavo na avola, "Na kholekhane kario khumunye khulondekhana ni lisuvira lyenyu,"³⁰na tsimoni tsiavo tsiamanya ni tsikukha.Na Yesu yavakaye nu khuvavolela,"Mukavoolelikhu mundu wosi khumanya kamukholele." ³¹Navutswa vandu vavili yavo vatsia nukhulandiza mang'ana khulondekhana khu Yesu hawosi mulusomo yolo lwosi.³²Lwavandu vavekhu vavili yavo vali nivarulaho , henza ,musadza uli itimbiti shichira litimoni liali muye, yalerwa khu Yesu.³³Lwa litimoni liali lirulitswe ilwany, itimbiti yeyo yamoloma.Shiduma yachenya nu khuvola, "Yaka khwakalolakhu mu Israeli inyinga yindi ta!"³⁴Navutswa vafarisayo vavoola, "Nu khuvirila mutsingulu tsyu mwamimi wa matimoni , nezotiarumikhila khuruliza matimoni."³⁵Yesu yatsia hosi mu mataala nu mumichitsi.Ya tsianyinya khweechitsa mu masinagoki kavo, niyilwatsa Ivanjeli yu vwami nu khuhonyinya malwale kosi na manyakhano kosi. ³⁶Lwa yalola mikanda yavalolera tsimbavasi shichira vali vuchila mukhonyi ni liheendahenda mumioyo chavo.Valii khuli makondi vujila mwayi.³⁷Yesu yavoolela veechitswi veve, "Lichesa ni linyikhi, navutswa vachesi ni vatiititi. ³⁸Khulwako, saali vwangu khu mwami wi lichesa, adukhe khuruma ilwany vachesi mulichesa lyelye."

10

¹Yesu yalaanga veechitswi veve likhomi na vavilili halala,navaha vunyali vu khurulitsa motimoni nu khuhonyinya vuli tsikavira tsyu vulwale vwosi.²Mira ka varumwa likhomi na vavili nako yaka; wukhuranga, Simioni, wavalanganga Petero na Andrea, amwavo wewe;Yakobo mwikhula wa Sividayo, na Yohana, amwavo wewe; ³Filipo na Bartholomeyo; Tomas na Matayo musololi wu vushuru, Yakobo,mwikhula wa Alufayo, na Lebbaeus, lira lielie liakhavili Tadayo.
⁴Simioni,wakwaniranga shivala shieshie, na Yuda Isikarioti,woyo yatsama Yesu.⁵Yava likhomi na vavili Yesu yavaruma, navalaka navoola, mukhatsiakhu muzinjira tsia vandu vitsihiri mba, khandi mukhatsiakhu mulitala liosi lia vasamria tawe. ⁶Navutswa mutsi khu makondi kakora ki inzu ya va Israeli. ⁷Lwamurula numutsia mwirwatse nimuvoola,vwami vu mwigulu vuli himbi.⁸Muhonyinye vulwale musimukukhitse vakhudzu,muhomole vuvuchere,murulitse matimoni.Shihanwa yishi munyoli vutsa, khandi munye muhane vutswa. ⁹Mukhachinji ithahabu,anoho ifetha,anoho tsisenti muvisikolo vienyu tawe. ¹⁰Mukhuchingi musiko chukhusumiramumu khu luchendo, anoho tsinguvu tsivili, anoho virharo vivili anoho zipigolo tsivili:shchjira muhinziri atukhana aherwe shiukhulia shalia.¹¹Na mulitala nu mukitsi kwosi kwa mwinjiramu mukhave mundu amwinjiritsa, amumenye munzu mwemwe khutukha lwa murula mwitala mwenomo. ¹²Na lwa mwinjira munzu mwosi ,muhane milembe khu vandu vu munzu mwenomo. ¹³Na inzu yeneyo nili yukhwinjiritsa vacheni, milembe chenye chilava khuvo; na nivambakhana khumwinjiritsa shivanyola mirembe chenye tawe.¹⁴Na vuli muundu wosi uvula khumwinjiritsa,anoho avula khulikhitsa mirwato kenye, lwa muva numurula munzu anoho mwitala mwenomo, musungusule lukushi lwavo lurule khu virenje vienyu. ¹⁵Vavooleranga kakirikali ndi, litukhu liu khukhalajirwa,Nyasaye yitsa alolere tsimbavasi tsinyikhi vandu va menyanga mu mataala ka Sodoma na Gomorra, khuvira vandu vi litaala lienelo!¹⁶Henzi muruma khu makondi hakari hi vivwe:muve vacheri khuli tsinzukha, khandi vahooma khuli vituti. ¹⁷Mwilinde khu vandu , shichira valiitsa khumukumira vamuhire mushiina, khandi valiitsa khumushuta vivoko mu masinagoki kavo. ¹⁸Muliitsa khuhirwa mu shina imbeli wa vamihi na vami shichira lira lianje, khulilolekhitsa khuvo khandi khutsihiri tsindi.¹⁹Lwavalitsa khumukumira, mukhahendi mwoyo khuli mumoloma anoho shamuvoola tawe, shichira mulaherwa shamuvola isaa yeneyo. ²⁰shichira shivali munye mumoloma tawe, navutsa Roho wa tata wenyu alamolomera mumunye.²¹Amwavo alatsama amwavo wewe khutukha yirwe, khandi tata alatsama mwana wewe.Vaana valiitsa khuhangalitsa vivuli vavo nu khuchira virwe. ²²Mulahimwa na vandu voosi shichira lira lianje:Navutswa woyo yikhutsira khutukha limala alahonyinywa. ²³Navutsa niva mulatambitswa mulitala lilala,mwilukhire mulitala lindi: muvolera kirhikali ndi,numushiri khutaala nu matala kosi ka Israeli, mwana wu mundu alava nakalukhe.²⁴Mweechitswi shianyala khuva mukali khuvira mweechitsi wewe tawe, shinga murukwa khuva mukali khuvira muruchi wewe. ²⁵Khu lwayako mweechitswi anyala khuva khuli mweechitsi wewe khaandi murumwa anyala khuva khuli muruchi wewe, nikava valaangi mwimiriri wi inzu Beelzabub, na vandu vi inzu yeneyo valilangwa mira kafwana ndina?²⁶Mukharia vandu venavo tawe, shichira shivulaho shindu shiakhunikhwa shiitsa shivule khukhunulwa;

khandi shiaviswa shiitsa shivule khumanyikha. ²⁷Shamuvolera mushisundi, mukavoole mbulavu mbasu, nakamuhulira nimoonyanga mwirwatse nu musinjire khuvisekese vi zinzu. ²⁸Mukharia yavo vira mmbiri, kwonyene. Navutswa shivali nuvunyali vwu khwira mwoyo: Navutswa murii woyo uli nu vunyali vu khutivitsa mwoyo nu mmbiri mu shihatisi. ²⁹Manyonyi kalaangwa tsimiri kavili shikakulitswangwa ling'ondo lilala? Na livulakhu ho linyaala khukwa hasi vuchira lienya lia tata wenyu. ³⁰Khali liiswi lili khumirwi chenya lia valizwa. ³¹Mukhava nu vurii tawe, muli nu vukuli vukali khuvirts tsimiri tsinyikhi. ³²Mundu wosi ulinziyama imbeli wa vandu, ninze khandi nditsa khumwiyama imbeli wa tata wanje ali mwiikulu. ³³Navutswa mundu woosi unzambakhana imbeli wa vandu, khandi inze nditsa mwambakhane imbeli wa tata wanje ali mwiikulu. ³⁴Mukhakanagani ndiitsa khulera milembe mulirova tawe. Shinditsa khulera milembe navutswa shivavi. ³⁵Shichira nditsa khulera liavukhana hakari wu mundu na tata wewe, mukhana na mama wewe, khandi vanakhuvizala vakhana na vanakhuvizala vavo. ³⁶Na vaziku vu mundu valava vandu vinzu yeye mwene. ³⁷Woyo uyanza tat we anoho mama wewe khuvira inze shitukhara khuva ni inze; khandi woyo uyanza mwikhula wewe anoho mwana wewe mukhana khuvirts inze, shiatukhana khuva niinze. ³⁸Mundu uvula khujinga musalaba kwekwe, khandi anonde, shiatukhire khuva ni inze. ³⁹Vuli mundu woosi ukhava khulinda liva mwoyo lielie mwene alalikoritsa: na woyo akoritsa liva mwoyo lielie shichira inze alalinyola. ⁴⁰Mundu woosi yinjiritsa munye, yinjiritsa inze, khandi mundu yinjiritsa inze, yinjiritsa woyo yaruma inze. ⁴¹Mundu yinjiritsanga muporofeti shichira nu muporofeti, alanyola mirungu chu muporofeti. Khandi mundu yinjiritsanga mundu ukholanga vulunji shichira akholanga vikholwa viu vulunji, alanyola mirungu chu mundu akholanga vikholwa viu vulunji. ⁴²Khandi mundu yitsa ahekhu mulala khu vatiti yava shikombe sha maatsi mashindu shijira nu mwegitswi wanje, .muvolera kagelikali, shialikoritsakhu mirungo cheche tawe.

11 ¹Lwa Yesu yali yakhamala khuhana mivaalo kukhwilwaza khu vechitswi veve likhomi na vavil, yaranga lujendo lu khutsia khwechitsa nu khwilwatsa mu mataala kali hiimbi iweneyo. ²Na Yohana nali mucheela, yahulila mihiinsi cha Kristo, yamanya amurhumile valala khuvechitswi veve na mareva. ³Na vamureva Yesu, "Niyiwe wenyekha khwitsa, anoho khulindilele khulola wundi?" ⁴Yesu naye yavarevulila navavolera, "Kalukhi mutsii khuvolera Yohana, yako kamulolanga nu khuhulila hanu. ⁵Avavekhu vikukha tsimoni nu khulola, valemva vajendanga, valwala vuchele vahoona, na tsimbibiti vakalukhizilwa lihulila, vakhuzu visimukukhanga khurula mu likhutsa, na Ivanjeli yilwatswa khu vamanani. ⁶Vali ni ikhaavi vakhahaya hayanga khulondekhana khu mihiinsi chianje." ⁷Lwa vechitswi va Yohana vali vakharulaha nu khwanza lujendo lwavo, Yesu yamoloma khu mukanda kwaliho khulondekhana khu Yohana. "Lwa mwatsia khulola Yohana mushangalangwe, mwatsitsa khulola shina sha mwasuuvilanga khulola? -shitundu shivina vina mu imbuza? ⁸Khu lwayako, mwatsitsa khulola shina -mundu niyifwali tsinguvu tsyu vukuuli vunyikhi? Kakilikali vandu vivikha tsinguvu tsyuvukuli vunyikhi vamenyanga mutsinsu tsia vami!" ⁹Uyu neye wang'odwa mu maandiko matakatiifu lwavavoola: "Heenza nduma murhumwa wanje imbeli wowo, utsia khukhulombela injila yoyo imbeli wowo." ¹⁰Kakilikali muvoolela mu yavo vivulwa na vandu vakhali shaliho wamenya nu khuva ni tsingulu khuli Yohana {mubatisi}. Navutswa uyu uli mutiititi muvwami vu mwikulu ni mukhongo khumuvira. ¹¹Khurula mumatukhu ka Yohana [Mubatisi] yilwatsa likhuva lielie khudukha khali inyinga yinu, uvwami vwu mwikulu vwanyakhana muno, khandi vandu vavukwananga, ni vachelitsa khuvuvukula ni tsingulu. ¹²Meechitso koosi ka vaporofeti na malako ka Musa khutukha khu Yohana kivaala makhuva khulondekhana khu tsinyinga yitsi; ¹³Niiva mulasuuvila khu makhuva kavu, khu Yohana naye Eliya, wali niyenyekhangwa khwitsa. ¹⁴Woyo uli na maroyi kukhuhulira na ahulile. ¹⁵Shimanya ndavasasanyinya khushina liikhula lia vandu va matukhu kanu? Vali khuli vaana nivikhale khu shiru. Shilala khu shituma sha vaana tsana valanjililanga na vavoolerana ni shindi: ¹⁶"Khwanwmbila tsinyimbo tsuvuyaanzi, navutswa mwambakhana khusieva! Khwanwimbila tsinyimbo tsu khwikhula, navutswa mwambakhana khwikhula. ¹⁷Lwa Yohana yitsa nahonga vujira khulia nu khung'wa iwayini, numuvoola, "Ali ni lidemoni." ¹⁸Mwana wa Adamu ndayiza nukhulia khandi khung'wa mu vavola, "Loli, mwenyuyu ni mung'ang'a nu mung'wi wi idivai, khandi nu mulina wa vasikali va khukhalaka [vusuru] na vooni. Navutswa vusitsa vumanyikhana khuvirila khu vana veve. ¹⁹Na Yesu yamanya na damanyinya vandu vu mu mataala mmakali kayilwatsa nu khukholamu vilolekhitso vinyikhi khuvira mataala kandi, shichira vandu valimu vambakhana khwikanila. ²⁰Wooyi munye vandu vi litaala lya Chorazini khandi wooyi vandu vilitaala lya Bethsaida muli khuvutinyu muno! shichira vilolekhitso vyakholekhana mumunye, vyakhakholekhane mu mataala ka Tiro na Sidoni khani vandu vamenyayo vikanira khale ni vifwali tsinguvu tsia makunia nu khwikhala mulikooshe. ²¹Navutswa musuuvilita ndi khulitukhu li likhalajilwa lya Tiro na Sidoni Nyasaye aliitsa khuvula tsimbavasi vandu va mataala ka Tiro na Sidoni, khuvira munye. ²²Khali munye vandu va Kapenamumu mulitsa khwininyinya mwikulu? Nyasaye aliitsa khumwakulula mu shihatisi. Niiva vilolekhitso viukhuchenyinya vyakholwa mu litaala lienyu vyakhakholelwe mu litaala lia Sodomu, litaala lienelo liakhavele vakhikanire nu khuva vashiliho khudukha nunundi. ²³Navutswa khuvolera mumanye, khulitukhu lilikhalachilwa, Nyasaye alikhavele tsimbavasi vandu va Sodomu, khuvira munye! ²⁴Yesu yaamanya arhevule khandi khusanditsa Tata mwami wu mwikulu shichira yavisa vindu yivi khuvajeri nu vuvusitsa navutsa yakhunulila nu khumanyinya vaana vatiititi. ²⁵Nyee, Tata, shichira nindio kakhuyanzinza mu tsimoni tysotsyo. ²⁶Tata wamba vunyali vukhusinjilila shindu shiosi. Shaliho mundu wosi wamanya Mwaana nakhali yive Tata. Mundu avulakhuho umanyi yiwe Tata nakhali inze Mwaana na yavo vu mwaana aliitsa khurovola khuvamanyinya Tata. ²⁷Hambi khwinze munye vosi vamunyakananga nu mwitiukhwa misiko militoho, nayinze ndavaha vusosi. ²⁸Muvuchililele muchochi kwanje mwiyecheze khwinze, shichira ndi muhoma, munyole lihulukha mioyo chienyu. ²⁹Muchochi kwanje ni mwangu, khandi musiko kwanje kwa mutiukha, nu mwangu.

¹Inyinga yeneyo Yesu yavirila mumulimi kwavali varakamu inganu inyinga yi lisabato.Vechitswi veve valini inzala nivaranga khwamula imu nu khulia. ²Vafarisayo vavalola nu khumuvoolela Yesu, "Heenza vechitswi vovo vakhola shikhohwa sha malako keru kakaya kavule khukholwa khu litukhu lilisabato"³Navutswa Yesu yavavoolera, "Shumwasoma khu ka Daudi yakhola mumatukhu ka yali ni inzala, halala na yali navo? ⁴Daudi yinjira mulitempeli lya Nyasaye ma nalia halala na yali navo mukati mutakatifu vavule khulia, nikhali kwalilwa na vasalisi vonyene.⁵Shiumwasoma khu mumalako ka Musa khuli vasalisi varumikha mulitempeli khulitukhu lilisabato khuli vononyinyanga lisabato lienelo; navutswa valolekha vavula vudamanu vwosi? ⁶Navutswa mbavoolera, hanu khuli nu mundu mukali khuvira litempeli. ⁷Mwakhamanyi khuli mang'ota matakatifu kavoolanga , ndenya tsimbavasi , tsikhali tsisadaka tsyu musango,Shumwakhakhalajile vavula vudamanu. ⁸Shichira mwana wu mundu naye mwami wi litukhu li lisabato."⁹Lwayali na mali khurula yaho, yamanya niyinjira mulisinakoki liavo. ¹⁰Na khwaliho nu mundu wali nu mukhono kwalema.Na khwaliho na vandu vakhava shivune shiukhurumikhila khumuyaala Yesu,Vafarisayo vamureva Yesu, "Kadukhana khuhonyinya mundu mulidukhu li lisabato."¹¹Yesu yavareva, "Wakhava musadza shi mu munye, niva yali ni likondi lilala lyonyene, ma likondi zana nilikwile muvulina khulidukhu lilisabato, shiyakha likumile alikhwese lirulemu? ¹²Mundu shali nu vukuli vunyikhi khuvira likondi! Khulwayako malako keru kavuchilila khukhola vulahi mulidukhu lilisabato.¹³Nalwo lwa Yesu yavoolera mundu woyo, "Nyira mukhono kwo ."Yamanya nanyira na nu kuhona;nukukalukha vulahi lhuli mukhono khundi mulamu. ¹⁴Navutswa vafarisayo varulaho nivatsia khulomba shikhalo khuli vanyala khumwira.¹⁵Navutswa Yesu lwayamanya kavali ni valokhitsanga, yamanya arule hawenaho.Vandu vanyikhi vamulonda, naye yavahonyinya vosi. ¹⁶Navutswa yavakaya vakhazia khulomba amanyikhe khuvandu. ¹⁷Khudukha karhwekhitswe kahandikwa nu muporofeti Isaya lwayavoola,¹⁸"Loli, murumikhi wanje murovole, muyanze wanje wu mwoyo kwanje kuyanzitswa naye.Ndavikha Roho wanje muye. Naye aliitsa khwilwatsa khu vandu voosi katooto kaanje.¹⁹Shialiitsa khulembana anaho khulanjilila,mundu avulakhuho uliitsa khu-hulila khu muhaanda mwoyo kwekwe. ²⁰Shialiitsa khuva mululu khu vandu vatetekhele, anoho khukwana yavo vavula tsingulu taawe.Aliitsa khutsililila khwikhutsilakhulola katooto nikamali khurwekhitswa. ²¹Vandu vi tsimbia tsiosi valiitsa khura lisuuvilitwa liavo muye."²²Navamulerela Yesu mundu wa matimoni kuvuvekhu khandi ki itimbiti.Yamuhonyinya, khulwayako muvekhu itimbiti yamoloma nu khulola. ²³vandu vosi vajenya khu yaka, nivavoola, wuyu shali mwana wa Daudi?"²⁴Na vafarisayo vahulila shilolekhitso yishi ,vavoola, "Wuyu shakhunga matimoni navustwa arumikhila Bezebuli mukhongo wa matimoni." ²⁵Yesu yamanya inganakani yavo na vavoolera, vwamihi vwosi vukavukhanaga vulera khusambukha, na shavuli litaala nohomba insu ikavukhananga shirasinjira.²⁶Shetani nakhunga Shetani, yikavukhanyinya mwene Khumwene.Khu vwami vwe vwakhasinjire ndi? ²⁷Na niva khunga matimoni khurumikhila Belzabub, na vana venyu navo vakakhunga ni varumikhila wina? Shichira yaka valiitsa khuva vakhala venyu.²⁸Navutswa niiva khunga matimoni khu muya kwa Roho wa Nyasaye, mumanye vwami vwa Nysaye vwayitsa khumunye. ²⁹Makhandi ndio wina unyala khwinjira muinsu yu mundu wizingulu yonone vindu vye niyakhurangi khuvoha woyo witsingulu mbilio khu vononyinye insu yeye. ³⁰Mundu ukhali nintse shi avujeritsa nintse, ukhavunjeritsa halala ninze ye nu musalanyinyi.³¹Mbavoolera , vwoni na manyeko vyosi vandu valasamihwa , navutswa khunyega Roho mulahi wa Nyasaye shivulaverwa. ³²Woyo umolomanga khu mwaana wa Adamu vutamanu, alaverwa tsimbavasi, navutswa ulomoloma vutamanu khu Roho wa Nyasaye , shialaverwa mulilova yili anoho mulilova liitsanga.³³Mudukhe khulomba musaala mulahi na makhuyu kakwo kalava malahi, anoho mulomba musaala mutamanu na makhuyu kakwo kalava matamanu, shichira musaala kulamanyikha khu lwa makhuyu kakwo. ³⁴O munye lwivulu lywi vihirikomo, shichira muli vatumanu, munyalandi khuvoola malahi? Khurula khulikanakana linyikhi lya vili mumwoyo, munwa kumolomanga. ³⁵Mundu mulahi khurula mulivikhiro lyinyikhi lyu mwoyogwe alalera vindu vilahi.Na mundu mutamanu khurula mulivikhiro lyu mwoyogwe alarera mayoolo. ³⁶Mbavavoole, inyinga yi likhalachilwa vandu valikhaane shivune sha vuli ling'ana litsimbakha lyu mundu yavoola. ³⁷Shichira khu makhuva koko mwene ulavalitswa vulunji, khandi khu mukhuva koko mwene ulakhalachilwa."³⁸Valala khu vang'odi na vafarisayo vamurevulila, "Mweechitsi, khwakhayanzi khulola shilolekhitso khurula khuyiwe". ³⁹Navutswa Yesu yavarevulira navavoolera, "Munye likhula litamanu ni lyu vuheyi mureva shilolekhitso.Navutswa shivulaha shilolekhitso shamuhherwa, shikhali shilolekhitso shu muporofeti Yona . ⁴⁰Khuli Yona yali mataukhu kavaka mmbasu nu vutukhu munda mwi isutsi ,khandi ni ndio mwaana wu mundu alakhave matukhu kavaaka mmbasu nu vutukhu mu mwoyo kwilirova.⁴¹Inyinga yi litukhu lilikhalchirwa vandu va Nineve valakhasinjile ni likhula yili nu khumukhalachila.Shichira vo vikanila khuvirila khulilwatsa lya Yona , Navutswa heenzi, mundu uli mukali khuvira Yona ali hanu.⁴²Muruchi wi shikhali wa Sheba aliitsa khusinjila khumuyaala inyinga yi litukhu liu khukhalachilwa, shichila yachenda khurula mushivala shieshie shili isavaalu, natsia khuhulila meechnitso kuvusitsa ku mwami Solomoni , na heenzi, mundu alihanu mukali mmbunyikhi khuvira Solomoni.⁴³Lwa litimoni lirula mu mundu, lichendachenda mushivala shumu nilikhava ha lihulukhila, navutswa lwalivula khunyola hukhuhulukha ⁴⁴limanya livoola ndakalukha mu yinzu yanje yandarulamu, lwene lwa likalukha nu khunyola nili inzere nu khunihizwa. ⁴⁵limalizia khuvukula matimoni kandi saba matamanu khulivira nu khwinjira nako kamenye muwenomo.Na liiva lyu mwimala lyelye adamana khuvira mwiranga.Nindio kalakhave khu vandu vatamanu vi likhula matukhu kanu."⁴⁶Lwa Yesu yali nashimoloma khuvandu,mamawe na vamwavove vasinjira ilwanyi, nivenya vamolome naye. ⁴⁷Mundu wundi yamanya amuvoolele,Heenza mamawo na vamwavovo vasinjile ilwanyiyeyo navenya khumoloma nive."⁴⁸Na Yesu yamurevulira

namuvolera, "Ni wina uli mama wanje na vaanga wina vali vamwavo vanje?"⁴⁹Ma nanyira mukhonokwe nu khusona khu veechitswive nukhuvoola, "Heenzi yava navo mama wanje na vamwavo vanje!"⁵⁰Woyo ukhola lyenya lya Tata wanje uli mwikulu, navo vamwavo,na vambotswa na mama."

13

¹Mulitukhu lieneyelo, Yesu yarula ilwanyi wi insu na yikhala khuluchinga lwi inyanza. ²Mukanda mukali kwa vandu kwivunjiza hayali, naye nazia khwikhala muliaro na mukanda kusinjila khuluchinga. ³Yamanya na vavoolera mang'ana manyikhi khuvirila mutsinganu, navooila: Mumitsi yarula nu vukuutsa khumiitsa. ⁴Lwayamiitsa, vukuutsa vulala vwakwa khunjila, na manyonyi kiitsa nikavuvootsa vukuutsa zana. ⁵Vukuutsa vundi vwakwa khulwanda, hakhali na malova manyikhi na vukuutsa vwameela vwangu vujila malo kukhuhilamu mili. ⁶Navutswa liuva liakha niliva mmbasu mululu, viragwa vieenevo vvasambwa shichila mili javo jiali khwikulu. ⁷Vukuutsa vundi vwakwa mushisakha sha mawa kivikunga kavukhunikha ni ing'inini. ⁸Vukuutsa vundi vwakwa mumalova manulu, nuvumela nuvudukha,nuvwama imu, vulala vwaminyia imia khu imia,vundi vwaminyia makhomi sita khumia, nuvundi makhomi kavaka mkhumia. ⁹Woyo uli na maroyi kukhuhulira,na ahulire.¹⁰Avechitswi veve viitsa, nivamureva, shichira shina umolomanga khu vandu khuvirila mutsinganu? ¹¹Na Yesu yavarevulila ndi:Shichira munye mwahelwa vucheli vukhumanya tsisiri tsyu vwami vu mwigulu, navutswavo shivahelwa vucheli vwenovo mba. ¹²Khuwoyo ulinavyo, alameetwa khandi, ave navyo muvunyikhi. Navutswa woyo uvula shindu shiosi, khali shakanakananga alinasho aliitsa khunulwa.¹³Yishi nasho shivune shichira nimoloma khuvo khuvirila mutsinganu:Khali niiva valolanga, vavule khulola. khali niiva vahulikhezanga, navutswa shivalahulila nu khumanya. ¹⁴Khuvo vurwekhizi vu vuporofeti vwa Isaya vuladukha vwa Nyasaye yavoola:"kakilikali mulahulikhitsa navutsa shiu mulahulila, makhandi mulaheenza, navutswa shiumulalola nu khumanya."¹⁵Shichila vwongo vwavo vwalindaala,na maroyi kavo kayikala ,na tsimoni tsyavo tsiavekhula,nikakhali ndio vakhaloli ni tsimoni tsyavo, makhandi vakhahulile na moroyi kavo nu khumanya nu vwongo vwavo nu khukalukhana, nu khwitsa khwinze khuvahonyinye". ¹⁶Navutswa tsya kasitswa tsimoni tsyienyu, shichila tsilolanga: khandi maroyi kenyu shichila kahulilanga. ¹⁷Kakilikali muvoolela, vaporofeti na vandu valunji vanyikhi vali nilienya liukhulola vindu yivi vyamulolanga,navutswa shivavilola taawe, khali khuhulila kamuhulilanga, na shivahulilakhu.¹⁸Khahulikhiti , khand mweeche ku lukanu lu mulimi yatsia khumitsa vukuutsa luvoolanga. ¹⁹Mundu lwa hulilanga likhuva lyu Vwami vwu mwigulu, na akorwa khumanya, naho naho, mutsiku woyo yiza, amunula imu iveza yarakwa mumwoyo kwekwe. Yuvu navwo vukuutsa vwamitswa khunjila.²⁰Vukuutsa vwakwa khulwanda, ni yavo vandu vahulilanga likhuva na khuvwangu valivukula nu khusangala. ²¹Navutswa shilinjala mukari mumioyo chavo na khandi shivanyala khulilinda limenye muvo.Lwa vanyola vutinyu noho khutambizwa shichira likhuva, vakhutsa mioyo vwangu nu khukalukha inyuma. ²²Vukuutsa vwakwa mu mawaa ki vikungu navo vandu vahulilanga likhuva, nikhali shichila linyakhizwa li shivala ni liluvwa liu khwenya khuva vahinda, viira likhuva muvo ma varikala vandu vavula vyamo. ²³Vukuutsa vwamitswa mu mulova manulu, ni vandu vahulilanga likhuva, khandi valimanya; valala imia khu imia, vandi makhomi sita khu imia na vandi makhomi kavaga khu imia khurula khu viti vyarakwa.²⁴Yamanya na vavoolela lukanu lundi:Vwami vu mwikulu vunyala khusasanyinywa khu mundu wa mitsa vukuutsa vulahi mumulimi kwekwe. ²⁵Navutswa lwavandu vali vakonanga, mutsiku wewe yiza namitsa mumulimi zana vukutsa vwa mavaanze mu inganu yali yarakwa ma nazia vishili khumera. ²⁶Lwavyamera, nividuka nalwo mavanze kalolekha kamel a halala ni inganu.²⁷Avayinziri vu mwene mulimi viza vamuvolera mukhongo.Shiu wamitsa vukuutsa vulahi mu mulimi kwokwo? shichira shina mavanze kanyolekhemu? ²⁸Yamanya na vavolera, mutsiku naye wakhola yako.Navayinziri vamureva, "Wenya khuzii khwiha mavanze khukarulizamu?"²⁹Mwene mulimi yavavoolela, Lekhi, shichila lwamuva mwiha mavanze inganu khandi ilihikha halala nako. ³⁰Lekhi viosi inganu na mavaanze vidukhile halala khudukha mu inyinga yi lichesa.Munyinga yi lichesa ndiza mbolele vachesi, "murange khuvunjiza mavaanze halala nu khuvoha muviduma nu khuvizamba,ma muvunjize inganu nukhulera mushiachi shianje."³¹Na Yesu yamanya na vavoolera lukanu lundi:"Vwami vu mwikulu vuli khuli lukuutsa luti muno khuli lwilisavakhwa, lwa mundu yavukula namitsa mumulimi kwekwe. ³²nalwo nu lutiititi muno khuvira vukuutsa vundi vwosi, navutswa nulwakhameela nulukali muno khuvira virakwa vindi viosi.Lukwitsa musaala ma manyonyikitsa khumbakha vitsu viavo mu tsisia tsiakwo.³³Yesu yamanya na vavoolera lukanu lundi."Vwami vu mwigulu vuli khuli mamela ku mundu mukhali yavukula nazukanyinya mu vijero vivaga vyuvusi ni kalomba shinokho shiosi khuvimba."³⁴Yesu yavamolomera makhuva yaka kosi khu mikanda cha vandu na rumikhila tsinganu; na shivulaho shayavavolela vuchila khurumikhila tsinganu. ³⁵Yesu yakhola yako kosi khurwekhitsa ku muporofeti yalii niyavoola;"Ndakhunula munwa kwanje mbamolomele mutsinganu.Ndaviwatsila makhuva kaviswa khurula lilombwa lilirova, khurula mu musinji kwi lilova."³⁶Yesu yamanya alekhane ni shituma sha vandu, niyinjira muinsu;Veechitswi veve viitsa khuye ni vamureva khuvulile ku lukanu lwa "mavanze mumulimi " lweechitsanga. ³⁷Yamanya na vavoolela :Woyo wamitsa vukuutsa vulahi ni mwana wa Adamu. ³⁸Mulimi navo vandu vu mushivala; vukuutsa vulahi, navovandu vu mu vwami; mavaanze, navo vandu vu mtamanu woyo; ³⁹khandi mutsiku wamitsa mavaanze,neye Ibilisi; lichesa, nallo shiheeli shi lilova; khandi vachesi, navo tsingelosi.⁴⁰Khuli mavaanze kavunjelitswangwa nu khusambwa mu mulilo, ni ndio khandi kaliitsa khukholekha matukhu ki shiheeli. ⁴¹Mwaana wa Adamu aliitsa kuruma tsingelosi tsitsie khuvunjitsa khurula mu vwami vuli mundu wosi uchila vandu nivakhola vwoni, ⁴²ma vitsa vavasuve mu muliro mwitsa muve nu khulumanya miino. ⁴³Nalwo lwa valunji viitsa vaakhe vulavu khuli liuva mu vwami vwa Tata wavo.Woyo uli na maroyi na a hulire.⁴⁴Vwami vu mwikulu vuli khuli livikhilo liitsahabu liaviswa mumulimi, liu mundu mulala yajilola

yajivisa khandi mumulimi zana, Nali nu vuyanzi yatsia khukulanyinyavyosi vyayali navyo atukhe khukula mulimi tsana.⁴⁵ Vwami vu mwikulu vuli khuli mushilanyinyi khulomba vukhala, akhavanga machina malahi kuvukuli vululu. (ilulu)⁴⁶ Lwa yanyolakhu shisia shia machina zana kuvukuli kenako. ⁴⁷khandi vwami vu mwikulu vuli khuli ineti ya valuvi vasuva mu inyanza khuluva tsisutsi tsinganu tsinyikhi. ⁴⁸Lwa yali niyitsule tsisutsi valuvi vajikhwesa khulujinga vikhala nu khudola tsisutsi tsindahi nu khutsivikha muvicho vilahi, navutswa tsisutsi tsinadamanu vatsisuva. ⁴⁹Ni ndio kiza kave inyinga mu matukhu ki shiheeli, Tsingelosi vitsa vakavulanyinye vandu vatamanu khurula mu valunji. ⁵⁰Viitsa vavasuve vandu vali vatamanu mumulilo mwitsa muve ni khwikhula nu khulumanyinya miino. ⁵¹Yesu yamanya na reva, "mumanyi yako koosi kamuvoolere? Navo vamuvoolera "Nyee". ⁵²Yamanya na vavoolera, "vuli mwechitsi wosi wamalako wechitsa makhuva khulondekhana khu vwami vu mwikulu anyala khusasanyinywa khu mwene insu urulitsanga mulivikhilo lie vindu viyia ni vikhulu." ⁵³Yesu lwayali ya khamala khweechiza tsinganu yitsi, yahama na rula ho. ⁵⁴Lwa yatukha mu litaala li ingo wavo, yeechitsa vandu mumasinagoki na vandu vamuhulila vali nilichenya nukhureeva "Mundu wuyu anyoli hena vusitsa yuvu ni tsingulu tsiu khukhola vilolekhitso yivi? ⁵⁵Uyu shali mwikhula wu mufundi wi vindu vitsimbahu? Nyina wewe shiali ulangwa Maria, na vamwavo veve Yakobo, Yosefu, Simoni na Yuda? ⁵⁶Na vambotso veve vosi shivali hanu halala na khutse? Mundu wuyu yanyola hena vindu yivi viosi? ⁵⁷Vamanya vavahirizwe naye ni vamwambakhana. Navutswa Yesu yavavoolera, "muporofeti shiahelwa luyali iwavo, nikhali muvivala vilwayi". ⁵⁸Yesu shimanya akhole vilolekhitso vinyikhi iwavo tawe, shichila vandu venavo vambakhana khumusuvila.

14

¹Mumatukhu kenako, mwami Herode yamihanga lusomo lwa Galilaya, yahulila lukhumu khulondekhana khu Yesu. ²Navoolera varukwa veve, "Wuyu ni Yohana Mubatisi; yayisimukukha khurula mbakhutsu. Khulwayako tsingulu yitsi tsili khumiyinzi muye." ³Herode yali yamukumila Yohana, khumuvoha, nu khumuvikha muvuhambe shichila Herodia, mukhali waliinji wa amwavowe Philipo. ⁴Shichila Yohana yali yamukaya nu khumuvoolera, "Maloko kambakhana yiwe khuhira mukhali wa amwavowo." ⁵Shavulila shiti Herode amwire, navutswa yaria vandu, shichila vandu vali vamusuvila khuli muporofeti. ⁶Na litukhu lyukhwizukhutsa nu khwikhonyera livulwa lia Herode liadukha, mukhana wa Herodia yasieva vulahi hakari hishiduma nu khuyanzitsa Herode. ⁷Mulimanyinya uyanzitswe, yarevula indagano yu khwisuha khu mukhana wuyu, ndi shyosi shareva alamuha. ⁸Namali khutsuvwa na mamawe, mukhana yareva, "Umbe yaha, khuyibesheni yiye, murwi kwa Yohana mubatisi lweneyulu." ⁹Mwami yikosa naverera khu lireva yili, navutswa shichira lisuha lye makhandi shichira yavo vosi valiho mulilia yelo naye, yamanya arumane vamukholere khuli yareva. ¹⁰Yarumana Yohana asinzwe wayali mucheela. ¹¹Nivalera murwi kwekwe khu ibesheni nu kuhana khu mukhana, na mukhana na vukula nu kuhilila mamawe. ¹²Na vechitswi va Yohana viza nivavukula muvili kwe, nivazia khumura. Nivakhamala yaka vazia nivamuvoolera Yesu kali kakholekhe. ¹³Na lwa Yesu yahulila yaka, yanina liaro natsia mushangalangwe. Lwu mukanda kwahulila lueka lwayatsia, vumulonda khuvilenje nivarula mumatala. ¹⁴Na Yesu yitsa imbeli wavo nu khulola mukanda mukali muno. Yavaverera nu khuhonyinya valwale vavo. ¹⁵Lwa halukolova hatukha, veechitswi veve vitsa khuye nivavoola, "Hanu ni mushangalangwe, na tsisaa tsitsile muno. Lakhula mukanda kutsi, khuvatukhe khutsia mutsisomo tsiavo khwikhavila shyukhulia." ¹⁶Navutswa Yesu yavavoolera, "Havulaho shivune shyukhuvalakhula vatsi ihale. Vahii shavanyala khulia." ¹⁷Navo vamuvoolera, "Khuli vutswa ni mikati chiranu ni tsisutsi tsivili zionyene." ¹⁸Yesu yavavoolera, "Ndereli." ¹⁹Yesu voolera mukanda vikhale hasi khuvulimo vwi shikuri. navukula mikati chali chiranu nende tsisutsi tsivili. Naheenzi mwikulu, yakasitsa nu khutong'olanyinya mikati nu khukavulila veechitswive, navo vanza kuhana khu mukanda. ²⁰Vandu voosi valia na nivikura. Na nivavunjitsa matonye karikala ki mikati chatong'olanyinya--viluvi likhomi na vivili ni vitsule. ²¹Na vandu valia vali vadukha tsielefu tsiranu tsia vasatsa, nu khukhavalitse vandu vakhali na vaana. ²²Na vwangu, Yesu yavaruma veechitswi ve vinjire muliaro nu khutsia imbeliwe khulujereha lwi inyanza, naye narikala nashiruma mikanda kuhuya. ²³Iwayali niyakhamala khulakhula mikanda jitsile, yanina khushikulu ye mwene khusala. Khulukolova lwakhutukha, yaliyo wonyene. ²⁴Na liaro liali litsile ihale munyanza khurula khulujinga, na nilinuywa vutinyu imbuaa khandi ni vikuvuli vinyanza, shichila imbuaa yi shihunguzu yali nivalumba khukalukha inyuma. ²⁵Mutsisa tyukhulinda tsikhola khande muvudukhu, Yesu yavalolkhera navitsiranga, khandi najendanga khumazi ki inyanza. ²⁶Lwa veechitswive vumulola najenda khu inyanza, vasumbukha nu khuvoola, "ni shinanyenzo", nivalila nuvuri. ²⁷navutswa Yesu yamoloma khuvo navoola, "Mukhikosa mba! Niinze! mukharii mba." ²⁸Na Petero yamuvoolera, "Mwami niva niwe, nanga nditse khuive ninjenda khumazi." ²⁹Yesu yamulanga, "Hamba." Khulwako Petero yikha muriaro najenda khu mazi natsia khu Yesu. ³⁰Navutswa, Petero lwayalola imbuza inditoho, yamanya naria. Na lwayanza khusikhira manyanza. yalira nukhuvoola, "Mwami mbonyinya!" ³¹³²Lwa Yesu na Petero vatsia khwinjira muliaro, imbuutsa yasinjira khuhuza. ³³Na veechitswi vali muliaro vamusikamira Yesu nu khuvola "Kakilikali uli mwaana wa Nyasaye." ³⁴Lwavali ni vakhambukha vadukha khushivala sha Gennesareti. ³⁵Vandu vahawenaho lwavumulavilitsa Yesu, vahana mang'ana khutsia hoosi yiweneyo, nukhumulerera woosi yalihu mulwale. ³⁶Vamusaya vadukhe khukumirahutsa khu lijemo liikanza ye, na kuvosi watiirakhu yanyola kuhona.

15

¹Valala khuvafarisayo na vang'odi khurula Yerusalemu viitsa khu Yesu nivavoola, ²Shichila shina veechitswi vovo vononyinya malako ka vakhulundu? Shivisaavanga makhono kavo lwa valiitsa mikati tawe. ³Yarevula navavoolera, na shichira shina munye mwononyinyanga malako ka Nyasaye ni miima chenyu? ⁴Nyasaye yavoola, "Mwitusominye tata na

mama wowo, na woyo unyekanga tata anaho mama wewe alakhutsa likhutsa. ⁵Navutswa munye muvoola, ulivoolera tatawe anaho mamawe, shyosi shitukhananga khukhonywa na inze ni shihanwa khu Nyasaye; ⁶woyo shadukhane kuhana luyali khu tata wewe.khulwi injila khuli yiye umalikhulomba ling'ana lia Nyasaye khuvula shivune, shichila miima chenye. ⁷Munye vakaadi, lilava khuli Isaya yaporofeta khumunye, na voola. ⁸Vandu yava vanzitsominyanga ni minwa chavo, navutswa mioyo chavo jili ihale na inze. ⁹Navo vasikamilanga shikhaya, niveechitsa meeचित्त kavandu. ¹⁰Yamanya nalanga shiduma shisunde khuye, navavoolera hulikhitsi, mumanye- ¹¹Shishili shinjiranga mumunwa nashyo shononyanga mundu, navutswa ni yeshyo shirulanga mumunwa, nashyo shimwononyinyanga. ¹²Veechitswi veve vamwitsila, navavoolera, "umanyikhu vafarisayo vadunya lwa vahulila likhuva yili? ¹³Yesu yerevula navavoolera, Shirakwa shiosi, shyavulakhurakwa na tata wanje wu mwikuulu , shilikhwa. ¹⁴Valekhi yavo ni vimilili vavekhu. Muvekhu niva alamwimilila muvekhu woshionyo , voosi valakwa muvwina. ¹⁵Naye Petro yarevula na voolera Yesu, "Khwalilile ku luganu yulu luvoola." ¹⁶Yesu yavavolela, Khali munye khandi muvula vucheri vvilimanya? ¹⁷Shyumumanya shyosi shinjiranga mumunwa, shivirilanga munda ma shisuvwa muvulimo anoho muvwina? ¹⁸Navutswa virulanga mumunwa virulanga mumwoyo; navyo vilombanga mundu khuva nuvudamanu. ¹⁹Mumwoyo virulamu , livoola lidamanu, vwiri, vuheyi, vwivi, kuhana livola lyuvuvehi, na manyego; ²⁰Yako nako kalombanga mundu khuva nuvudamanu; navutswa khulia vujira khwisaava makhono shukhulombakhu mundu khuva nuvutamanu taawe. ²¹Yesu yarula yaho, natsya luvga lwa mataala ka Tiro na Sidoni. ²²Heenza mukhali mukanani yarulanga muluvega lweneyolo yarulila na hanzukha nu kuvoola "Umbele tsimbavasi mwana wa Daudi! mwaana wanje mukhana anyakhizwa vutamanu ni litimoni." ²³Yesu shiyarevula shindu shyosi.Veechitswi veve viitsa khuye khumusaya nukhuvoola, mulekhe azii, shichila akhulombelanga liyoko. ²⁴Yesu yarevula, shindarumwa khumundu woosi mba, navutswa khumakondi kakora, ki inzu ya Israeli." ²⁵Naye yiitsa na musikamira, na voola, mwami, khonya. ²⁶Yarevula namuvoolera, shiuvuli vulahi khuvukula [mukati] kwa vaana nukhusuvila vaana visimbwa. ²⁷Naye yamanya navoola, kali ndio mwami, navutswa, khali tsiimbwa shitsilitsanga khu matonye kakwitsanga hasi hii imesa ya vami vavo. ²⁸Na Yesu yamurevulila,, o mukhali yiwe lisuvila liolio ni likali kave khuyive khuli lyenya lyolyo. Khurula inyinga yeyo mukhana wewe yahona. ²⁹Yesu ya rula yaho natsia himbi ni inyanza ya Galilaya, natsya khushikulu, ni yikhala hasi. ³⁰Vandu vanyikhi viitsa khuye vamulerela valema, vavekhu, tsitimbiti, na vandi vanyikhi. Vavavikha hasi hii vilenje vyeveye atukhe khuvahonyinya; ³¹Shituma shali nilijenya khuvaloola tsitimbiti ni vamolomanga, valema nivajendanga, vavekhu ni valolanga, ni vitsominya Nyasaye wa Israeli. ³²Yesu yalanga veechitswi veve na vavoolera, ndi ni livelela khu shiduma yishi, shichira vavere ni inze matukhu kavaaka, na vavola shyukhulia na shindavaruma vatsii ni inzala, shichila vanyaal khushindira khu injila. ³³Veechitswi veve vamuvoolera, nakhunyole hena mikati mushangalangwe munu, khudukhe khuliikhitsa nu khwikuritsa mukanda mukali khuli yuku? ³⁴Yesu yavareva, muli ni mikati changa? Vamuvoolera "chiranu na chivili nu rusutsi rutitiiti" ³⁵Na Yesu yavavoolera mukanda, yikhali hasi khuvunyasi. ³⁶Yavukula mikati chali chiranu na chivili ni tsisutsi, ni yakhamala khusanditsa mwisaala, natong'olanyinya na vaha veechitswi veve. Na veechitswi veve nivagavulila mukanda. ³⁷Vandu voosi valia ni vikura. Ni vavunjiza matonye karikala ni kiizula viluvi viranu na vivili. ³⁸Voosi valia vali vandu tsielefu tsinne, nukhukhavalitse vakhali na vaana. ³⁹Na Yesu yamanya arume mukanda khutsya ingo, naye na nina mu liaro natsya muluveka lwa Magadani.

16

¹Vafarisayo na vasadukaoyo vamwitsila khumujeritsa, vavureva avamanyinye vilolekhitso virulanga mwikulu. ²Yarevula, na vavoolera, lwayitikha halukolova mumanya muvoola, mulenjero kulavakhu mulahi lelo, shichila likulu ni limuchi. ³Na mumavwevwe, muvoola, lelo khulava ni imbudza; shichira likulu ni limuchi khandi liikhaanga. Munye vatamanu , mwamanya lina likulu lifwana; navutswa shiumumanya vilolekhitso vitsinyinga. ⁴Munye likhula litamanu nu lyuvuheyi mukhava shilolekhitso, nikhali shivula shindi shamuhelwa, navutswa shiliho ni shilolekhitso shyu muporofeti Jona yamulekhera ma natsya. Na Yesu yalekhana navo natsya handi. Lwa vechitswi vadukha lujerekha lundi, vali vivilire khuvugula mikati. "Yesu navachelihitsa, "Muhenze mwilinde khu mamera ka vafarisayo na vasadukayo." ⁷Vechitswi vaverevane vene khu vene nivakanagana nu kuvoola, Ni shichira khuvuli khuvukula mikati. ⁸Na Yesu yamanya inganagani yavo, yavavolera, " O munye virisuvira liti, shichira shina muganaganga khuvene nukhuvola ni shichira khuvuli khuvukula mikati?" ⁹Mushili khumanya? khali shiumwtsulitsanga mikati chali jiranu na jiviri chalilwa ni tsielefu tsiranu, khandi viruvi vianga mwavunjitsa.? ¹⁰anoho mikati chali saba chalilwa na vandu tsielefu tsinne, na ni viruvi vianga vya matonye vya rikala numuvukula? ¹¹Kali ndina shumumanya shimolome khumunye shichira mikati? Muhenze nu khwilina khu mamera kavafarisayo na kavasadukayo". ¹²Na vamanya ni vamanya ndi shiyavoola khu mamera kumukati, navutswa vihenge nu khwilinda khurula khu meचित्त ka vafarisayo na vasadukayo. ¹³Na lwa Yesu yatsya muluega lwa Kaisarea-Filipi, yareva vechitswi ve navola, " vandu vavola mwana wa Adamu ni wina?" ¹⁴Navo vavola, "vandu valala vavola uli Yohana mubatisi; na vandi vavola uli Elijah, vandi Yeremia, anoho mulala khu vaporofeti." ¹⁵Naye yavavoolera, "Navutswa na munye muvoola inze ndi wina?" ¹⁶Simoni Petero narevula nu kuvoola, "Yiwe uli Kristo mwana wa Nyasaye Umenyanga." ¹⁷Yesu yarevula na muvoolera, "Ukasitswe yiwe Simoni Bar-Yona; shichira muvili na masai shivikhuvulile yaka, navutswa Tata wanje Uli mwikulu. ¹⁸Inze kuvoolera, yiwe ni Petero, na khwiwe ndumbakha likanisa lyanje; khali miliango chishihatisi shijilanyala khulikura. ¹⁹Ndakuha tsifungu tsyu vukhumi vu mwikulu, shyosi sha uvoha hasi hanu shilavokhwa mwikulu, na shyosi shuvoholola hasi hanu , shilavohololwa mwikulu." ²⁰Yesu yavakaya vavule kuvoolera mundu wosi ndina yali Yesu Kristo. ²¹Khurula inyinga yeyo Yesu yilolekhitso khu

vechitswi veve, khuli kamudukhila khutsya Yerusalemu , ma anyakhitswe muvindu vinyikhi, vya vasakhulu na vasalisi na vang'odi;adukhe khwirwa,ma yisimukukhe lidukhu lya khavaka. ²²Petero yamuvukula haluvega, naranga khumukondekhera nu khumuvolera, "shikadukhana mwami yako shikalakhunyola.!" ²³Navutswa Yesu yakalukhana namuvolera Petero, "Tysa inyuma wanje yiwe Shetani! ukhava shisundi khwinze, shichira kauvolera shikali ka Nyasaye, navutswa kavandu."²⁴Inyinga yeyo Yesu yavoolera vechitswi ve ,mundo wosi wenya khunonda, yikaye mwene, ma yitiukhe musalaba kwe mwene nu khunonda. ²⁵Woyo wilinda liiva lye alalikoritsa, na woyo ukoritsa liiva lye shichira yinze, alalinyola. ²⁶Kalamukhonya shi mundu khunyola miandu chi shivala shiosi ma akoritse liivamoyo lye? na mundu anyala kuhana shina havukono hi liiva lyelye?²⁷Shichira mwana wu mundu aliitsa nuvukhumi vwa Tata wewe halala nitsingelosi tsietsie, nalw lwalirunga vuli mundu khulondekhana khu vikholwa vye. ²⁸Kakilikali muvolera munye, khuli na vandu vasinjire valala namunye hanu. vakhalole likhutsa , khudukha lwalilola mwana wa Adamu niyitsanga muvwami vwevwe.

17 ¹

²Na likondo lia Yesu Liakalukhanyinywa imbeli wavo, mmoni mwa Yesu mwakha khuli liuva, na tsinguvu tsietsie tsiang'ang'a khuli vulavu.³Na henza, valola Musa na Elija nivamolomanga na Yesu. ⁴Na Petero yarevula na volela Yesu, "Mwami nuvulahi khutse khuva hanu:Nuyaniza uleke khumbakhe matiri kavaka; lirala liolilo,lindi lia Musa na lindi lia Elija."⁵Lwa Petero yali nashimolomanga, henza lilesi lilavu liavakhunikha voosi:na mwoyo kwahulirikha khurula mwilesi mwenomo nu kuvoola, "Uyu ni mwana wanje wandayanza, nanyanzitswa naye; mumuhulikhitse". ⁶Na vegitswi veve vahulira mwoyo kwenoko.vakwa hasi mahunama, ni vatechera muno. ⁷Navutswa Yesunyitsa navatiirakhu, navavolera, "sinjirri mukhava nu vuri tawe." ⁸Na lwavahenza ikulu shivalolakhu mundu wundi woosi mba, Yesu naye yali narikale navo wonyene.⁹Lwa vali nivikhanga khurula khu shikulu, Yesu yavakaya, navavoolera, mukhavolerikhu mundu woosi kamuloli tawe,khutukha lwa mwana wu mundu yitsa yisimukukhe khurula mulikhutsa. ¹⁰Na vegitswi veve va mureva,shijira shina vang'odi vavoola khutukha Elija yitse khuranga mbalio?"¹¹Na Yesu yavaavolera, ni kagilikali Elija aliitsa wukhuraanga, ma khandi akalukhitse vindu viosi khuli viali. ¹²Navutswa muvolera ndi, Elija yayitsa khale, navo shivamumanya tawe, navutsa va mukholela koosi kavenyanga.Khandi ni ndio vitsa khusalilitsa mwana wu mundu mu makhono kavo. ¹³Nalwo lwa vegitswi veve vamanya ndi Yesu yavavolera makhuva khulondekhana khu Yohana mubatisi. ¹⁴Na vatsia nivatukha hi shituma shiali. mundu mulala yitsa khu Yessu, namusikamila imbeli wewe, na voola, ¹⁵"Mwami vererera mwikhula wanje shichira ashindanga indulume nu khunyakhana muno: akwizanga mumuliro vuli inyinga na lundi akwa mumatsi. ¹⁶Inze muleri khu vegitswi vovo,navutsa shivanyalitse khumuhonyinyo." ¹⁷Na vegitswi va Yessu vitsa khuye haluveka, ni vamureva, shichira shina khutse khuramilwa khukhunga litimoni lienelo? ¹⁸Yesu yavavoolera, shichira lisuvvira lienyu lititi:Navutsa muvolera kagilikali numuva ni lisuvira khuli liu lukutsa lwi lisavakhwa mulavoolera shikulu yishi, rula yaha wisunde yeyo, nashio shilisunda;Na shivulakhuho shivula khunyalikha khumunye. ¹⁹Navutsa litimoni khuli yili shilirula vuchira lisaala nu khuhonga khulia.²⁰Na lwalivali nivamenyi galilaya, Yesu yavoolera vegitswi veve"mwana wu mundu alitsa khutsamwa khu vandu. ²¹Navulitsa khumwira na khulidukhu lia khavaka alisimukukha navo vanyoola liverera likali muno.²²Lwa vatukha mulitala lia Capernaumu,vasololi vu vushuru vatsia khu Petero, ni vamureva, mwami wenyu arungakhu vushuru? ²³Petero yarevula, arunganga.Lwa petro, yinjira munzu,Yesu yali wukhuranga khumoloma, namureva , ukanakana shina, Simoni? Vami vu mulirova yumu varungitsa vushuru khurula khu vanga wina? Nu khurula khuvana vavo anoho vacheni?²⁴Petero yamuvolera, khurula khu vacheni.Yesu naye yamuvoolera nikali nindio khu vaana ni vavoholole. ²⁵Shichira shikhwenyi khuvituhitsa mioyo mba, mutsi mmunyanza mureke ingaka, isutsi irulamu yu khuranga mwigule mumunwa, mulanyolamu tsiendi.Muvukule murunge vushuru vwanje nu vushuru vwenyu.

18

¹Inyiinga yeneyo vechitswi vitsa khu Yesu nivamureva," ni wina mukali mu vwami vu mwigulu?" ²Na Yesu yalanga mwana mutiti, namusinjiritsa hakari havo, ³Navoola, muvolera, kakilikali, mukhakalukhana muve khuli vaana vatiti, munye shumulinjira mu vwami vu mwikulu. ⁴Khu lwayako mundu woosi wichehitsanga khuli mwana mutiti wuyu , naye ali mukali muno mu vwami vu mwikulu. ⁵Na khandi mundu woosi winjiritsa mulala khuyava vana vatiti mu lira lianje, alava niyinjiritsa inze. ⁶Navutsa mundu yituhitsa khu mulala khuyava vasuvvira muinze, vwakhavere vulahi lichina lisungwe mwing'ori mwemwe ma asuvwe mmululiva lwi inyanza.⁷Nuvutinyu mushivala shichira vindu vichira vandu nivi tuhizwa , nu khukhola vwoni! Vindu yivi vilitsa: Navutsa vulava vutinyu khu mundu wa macheritso kenako kizirakhu! ⁸Khu lwayako, mukhono kwokwo, anoho shirenje shioshio nishikhuhira mmbwoni, ureme nu khuvirulitsa khwiwe.Shichira nivulahi iwe khwinjira muvulamu nu wafwokoya anoho nu walema khuvira khuva ni makhono kaviri ni vilenje viviri, mausuvwe mu muliro kwi mihika ni mihika.⁹Niva imoni yoyo nay ichiranga ukhole vwoni,chihe usuve ihale niwe mwene, nuvulahi khinjira muvulamu ni imoni indala, khuvira khuva ni tsimoni tsiviri, ma usuvwe mu shihatisi shu muliro.¹⁰Muhenzelitse, muvule khuchaya mulala khu vatiti yava, shichira muvolera kakilikali, tsingelosi tsiavo mwikulu tsihenza inyanga yoosi mmoni mwa tata wanje ali mwigulu. ¹¹Shichira mwana wu mundu yitsa khuhonyinyo vandu vakora.¹²Mukanakana ndina? mundu niyavaya makondi imia iindala na lilala khuko likore, shalakhanga makondi makhomi tisa na tisa, ma atsia mmbikulu, khukhava likondi lilala likori? ¹³Na lwalinyoolanga,muvooleranga kakilikali, avetsaanga nuvuyanzi mbiririra khulikondi lienelo, khuvira makondi kandi

makhomi tisa na tisa kavuli khukora. ¹⁴Khali ni ndio, shililikhu lienya lia Tata wenyu ali mwikulu, ndi mulala khu vatiti yava atukhe khutiva. ¹⁵Amwavo wowo na khukosera, tsia umuvolere, numuli vutswa naye vaviri, na khuhulire ulava nu mukhonyi khurula mmbwoni. ¹⁶Navutsa navula khukuhulikhitsa, vukula mundu wundi mulala anoho, vaviri niwe mwene, khu khuvira khu minwa cha valolikhitsi vaviri anoho vavaka khuvuli likhuva litinye. ¹⁷Nava umuchaya nu khuvula khuvakhulikhitsa, muvoolere vi likanisa, nachayi khuvahulikhitsa, vilikanisa, ave khumunye khuli mundu wi shivala khandi khuli musololi wu vushuru. ¹⁸Muvooleranga kakilikali, shiosi shamuvoha mulilova, shiravohwa mwigulu, khandi shiosi shia muvoholola mwirova shiravohololwa mwikulu. ¹⁹Khandi muvoolera ndi, nikava vandu vaviri valahulikhitsana mulirova khu shindu shiosi shia vareva, Tata wavo ali mwigulu alavakholera. ²⁰Shichira havundu hosi havandu vakaniire vaviri anoho vavaka mulira lianje, inze ndava hakari havo. ²¹Peteroyatsia khu Yesu namureeva, mwami, kenyekha mumberero amwavo wanje mulisuuvira nakholere vutamanu; muverere hali saba? ²²Yesu yamuvoolera, khuvoolera yiwe, hali saba tawe. Navutsa khutukha makhomi saba hali saba, ²³Khu vwami vu mwigulu vusasanyinywa nu mwami mulala, wenya khurunilitsa livikhiro lielie na varumikhiri veve. ²⁴Lwa yaranga lirunilitsa mundu mulala yalerwa khuye naye yali nilikoovi lielie tsitalanta tsielefu likhomi. ²⁵Navutsa shichira shiyali nuvunyali khurunga mwami wewe yahana malako ndi akulitswe yemwene halala nu mukhali wewe na vaana ni vindu vyosi viayali navyo, varunge likovi lienelo. ²⁶Murumikhili woyo yakwa imbeli wu mwami wewe, namwikanira, namuvoolera, mwami wanje ikhutsire niinze, ndakhurunga likovi liolio liosi. ²⁷Mwami wu murumikhiri uyu ;yamuvera tsimbavasi namuvoholola, namulekhera likoovi lielie liosi. ²⁸Murumikhiri mwene mulala woyo yarula natsia ilwanyani, na yanyola mulala khuvarumikhi vashienye, naye yali ni likov lielie tsidinari imia indala: yamukumira, namumika mwing'ori, namuvolera, ndunga likovi lianje liosi. ²⁹Muhinziri wavahinzilanga naye yakwa hasi muvilenje vievie, namusaya, namuvoolera, ikhutsire niinze ndakhurunga likovi liolio liosi. ³⁰Navutsa yambakhana khumuhulilitsa, namuvukula namuhira muchera, khutukha lwarunga likovi lienero liosi. ³¹Lwa vahinziri veshienye valola kayali nakholi, vali ni shiverera, na nivatsia khwivalila muruchi wavo kosi kali nikikholekhe. ³²Na muruchi wewe yamanya na langa murumikhiri uyu, namuvoolera, "O yiwe murukwa mutamanu, inze khuvlekhere likovi lianje liosi, shichira umbolere khole ndio: ³³Niwe khandi shiuvvere uverere murumikhi woshiony, khuli inze khuvererere? ³⁴Muruchi wewe yali nu vurima, namuhira murumikhiri wenoyo muchera khusalilitswa khutukha lwa runga likoovi liosi. ³⁵Ni ndio khandi Tata wanje wu mwigulu yitsa amukholere, nikava munye, khurula mu mioyo chenye shimulavera vamwavo venyu mulisuuvira tsimbavasi.

19

¹Na lwa Yesu yali yakhamala mang'ana yaga, yarula Galilaya, nu khutsia mushivala sha Ivuyuda, injerekha wu mujera kwa Yorodani. ²Mukanda mukali kwa mulonda naye yavahonyinya iweneyo. ³Vafarisayo vamwitsira khumujeriza, nu khumureva, "Ni khumalako mundu khumukhunga mukhaliwe khu lwishivune shosi?" ⁴Yesu yavrevulira, navavoolera "shu mwasoma ha kavoola, woyo wavalomba khurula mwiranga yavalomba musadza nu mukhali?" ⁵Woyo wavalomba yavoola khandi, "Shichira yaga, musadza alalekha Tata wewe na mama wewe, nu kuhambana nu mukhaliwe, na vavili yavo, valakholekha muvili mulala. ⁶Khulwayaka vanyasaye avikhi halala, akhavaho mundu wu khuvavukhanyinya." ⁷Navo vamureva, "Shichira shina Musa yavikha lilako mukhali aherwe ibalwa yu khumwawukhanyinya alero akhunganyinywe." ⁸Na yavavoolera, "Kali khurulana khu vutinyu vu mioyo chenye, Musa yaviyamira khukhunga vakhali venyu, navutswa khurula muliranga shikali ndio mba. ⁹Inze muvoolera, wosi ukhunga mukhali we, ni kakhali shichira vuheyi, nu kuhira wundi, akhola vuheyi. Na woyo umulera umali khulekha akhola vuheyi." ¹⁰Vechitswi vamanya vavoolere Yesu, "Niva keneyako nako kaliho hakari hu musaza nu mukhaliwe, nuvulahi khuvula kuhira." ¹¹Na Yesu yavavoolera, Shivali vosi vanyala khwiyama mang'ana yaga, ni kakhali khuyavo vaherwa na Nyasaye. ¹²Valiho viziri viivulwa khurila munda mwa vanyina, na valiho viziri vilomba vene khuva viziri shichira vwami vu mwikulu. Woyo wukhuchimira amechitso yaga akachimire." ¹³Na vamulerela avana vatiti avavikhire mikhono nu khuvasalira, navutswa vechitswi vavakondekhera. ¹⁴Nikhali Yesu yavakaya, "Lekhi vana vatiti vitse khuyinze, mukhavakayi tawe. Shichira vwami vu mwikulu vuli khu vana khuli yava." ¹⁵Yesu yavavikha mikhono khu vana, ma na rulaho nu khutsia. ¹⁶Mundu mulala yitsa khu Yesu namureva, "mwechitsi mulahi, shina shilahi shanyala khukhola ndukhe khunyola livamwoyo likhahera mba?" ¹⁷Na Yesu yamurevulila, shichira shina unanga mulahi? Shalho mulahi navutswa mulala, naye ni Nyasaye: Nu wenya khwinjira mu vwami linda malako." ¹⁸Musaza woyo namureva, :malako shina? Yesu yamuvoolera, "Ukhira ta, Ukhaheya ta, ukhiva ta, ukhahana lihenzeliza lyu vuvehi, ¹⁹Uhe tata wowo na nyina wowo luyali: umuyanze murende wowo khuli wianza." ²⁰Musaza muvukha woyo yamuvoolera, "Yaga kosi ndakavikha khurula muvwana vwanje. shina shindi?" ²¹Yesu yamurevulila, "Nu wenyi khuva mulunji, tsia ukulitse vuy ulinavyo na uhane khu vadakha, ulava ni livikhiro mwikulu : awize unonde." ²²Na vutswa, lwa muvukha woyo yahulira livoola yero, yamanya averere munonono: shichira yali ni miandu toto. ²³Yesu yavavoolera vechitswi veve, "Ka toto mbavoolera, nu vutinyu muhinda khwinjira mu vwamihhi vu mwikulu. ²⁴Khandi mbavoolera, irhakhave vudorho khu ingamia khwinjira mulina li isindani khuvirha mundu muhinda khwinjira mu vwamihhi vwa Nyasaye." ²⁵Lwa vechitswi vahulila yaga, vali ni lijanya, ni vavoola, Wina unyala kuhona?" ²⁶Yesu yavahenza nu khuvavoolera, "Khu vandu ni madinyu, navutswa khu Nyasaye vindu vyosi vinyalikhanga." ²⁷Petero yamureva ndi: Henza kwalekha vyosi khukhulonda. Shina sha khunyola?" ²⁸Yesu yavarrevulila, "Kakilikali mbavoolera, munyinga imbya lwa mwana Adamu nayikhale khushisako shyu shyu luyali, munye vamwanonda khandi mulikhale khuvivisoko likhomi na vivilli, nu khukhalajila tsihiri likhomi na tsivili zia

visiraeli.²⁹Na shamulala walekha tsitsu , vawwavo, vambotswa, Tata , Nyina vana anoho mulimi shichira liira lianje, valakhanyole hali imia nu mukavwa kwi livamoyo likhahela mba. ³⁰Navutswa vanyikhi vali vukhuranga, valakhave vukhumalikhitsa, na vukhumala valakhave valakhave vukhuranga.

20¹

²Lwayamala khulagana na vahinziri mirungu cha vuli lidukhu, yavaruma mu mulimi kwekwe kwi mizabibu. ³Narula khundi khu isaa ikhola tsivaga, na lola vandi vasinjire vuchira miyinsi mu shiru. ⁴Khandi yavavoolera, mutsi munye, mumulimi kwi mizabibu, na khu vyosi shili shilahi ndamuha, na nivatsia khukasi. ⁵Khandi khudukha isaa ya tsiranu na indala, khandi isaa ya tsiranu na tsine nahandika vahinziri vandi khutsia mumulimi. ⁶Khandi khu isaa ikhola likhomi ni indala, nanyola vandi vasinjire vujira miyinsi, na navareva, shichira shina musinjire yaha lidukhu liosi vuchira khuyinzira? ⁷Navo vavoolera, "shichira shaliho nu mundu ulagana nakhutse," Naye yavavoleraa, samuli mumulimi kwi mizabibu na shiosi shili shilahi munye mulanyola. ⁸Lwa halokolova lwadukha, mwami wi misabibu yavoolera mulindi, langa vahinziri, na uvahe mirungu, khurulawukhumala khudukha khu wukhuranga. ⁹Na lwa vitsa vasamulitswa khu isaa ikhola likhomi ni indala vanyola vuli mundu murungu kwi idenari. ¹⁰Lwa vimbela vitsa, vaganagana valanyola mirungu minyikhi, nauvutsa vanyola idenari shamulala. ¹¹Navkhamala khonyola mirungu chovo, vimonya khuli mwene mulimi yali navarunji. ¹²NI vavoola, "Vahinziri vasamule inyuma khulukolova vahinzire isa indala yonyene, navutsa uvalekhanyinye na khukhutse vukhuranga, vakhujinji vujudoho vumiynzi nu khusambilwa ni liuva mmbasu kwosi. ¹³Navutsa yarevula na voolera mulalakhuvo, Mulina, shikhukholere vudamanu. shikhulagane mirungu chi idenari indala? ¹⁴Vugula shili shioshio, na utsii. Ndoli mbane mirungu shilala khuvahinziri vasamulize mulimala khuli lwa mbarunji. ¹⁵Shivuli vulayi inze khole khuli nyanza khu vindu vyanje? Noho imoni yoyo ni ndamanu shichira vulayi vwanje? ¹⁶Khu vukhumala valava vukhuranga, na vukhuranga valava vukhumala. Shichira vanyishi valangilwa, navutswa vadi varovolwa. ¹⁷Na Yesu yanina ni yanza khutsia Yerusalemu, Yahila vegitswi veve likhomi na vavili haluвеga hi injira, na vavoolera, " ¹⁸Henzi , khutsitsanga Yerusalemu, na iweneyo mwana wu mundu alatsamwa khu vasalisi vagali nu khu vang'odi, navo valamukhalajira likhutsa, ¹⁹na valamuhana khu vitsihiri vamukholere shihenyehenyenu khumuhula mishaliti nu khumuvamba, na lidukhu lia khavaga alasimukukha. ²⁰Heneyaho mama wa vana va Zebedayo yitsa khu Yesu nali na vana veve nukhumusikamira ni yenya shindu khuye. ²¹Yesu yamureva wenya shina? Naye namuvoolera , Uhane khu vana vanje vaviri vikhale, mulala khu mukhono kwokwo mulunji na wundi khumukhono kwokwo mukhali mu vwami vwovwo. ²²Navutswa Yeus yarevula namuvoolera, Shumanyi shureva mba, munye munyala khung'wa khu shikombe shandanya khung'wera mu? khandi mulibatiswa lia mbatiswa mu, na vavoolera, khutse khula nyala. ²³Na yavavolera mulang'wa ligali shikombe shanje, na mubatiswe mulibatiswa lia mbatiswa mu, navutswa khwikhala khu mukhono mulunji kwanje, nu khumukhono mukhali kwanje, shuvuli vunyali vwanje khuhana, navutswa vulahanwa khuyava valomberwa na tata wanje. ²⁴Na lwa vegitswi vali likhomi vahulira yaga, vavihiritswa na vawwavo vavili yava. ²⁵Navutswa Yesu yavalanga khuye, na vavoolera, munye mwamanyanvwamihi vyi tsihiri vavmihanganni tsingulu khumunye na vamanya vunyali khu munye., ²⁶Navutswa shikali ndio khumunye, khu vosi wenya khuva mugali khumunye khutukha ave murumikhiri wenyu, ²⁷Na khu vosi wenya khuva mwimilili wenyu khutukha ave murugwa wenyu. ²⁸na khuli mwana wu mundu shiyitsa arumikhilwe, navutswa arumikhe, khandi ahane liva mwoyo lielie live lirungila lia vanyishi. ²⁹Lwa varula Yeriko, mukanda mugali kwa mulonda. ³⁰Na, henza vavekhu vavili va satsa vali ni vikhale khunjira khulujinga, lwa vahulira Yesu aviranga himbi, ni vavoola, uve ni tsimbavasi khukhutse, O mwami, mwana wa Daudi. ³¹Na mukanda kwavakondekhela, shichira vashiling'ane, navutswa vanilla ni vavoola uve nitsimbavasi khukhutse, o mwami, ive mwana wa Daudi.

21¹

²navavoolera, "tsii mulidala lili halujelekha na munye , na vwangu mulanyola isukhiri ivohelwe ni shimoli shayo: mulere khuinze. ³Na mundu na mureva munye, mumuvolere mwami avyenyanga, na alavaha mwize na zio." ⁴Na yaka kaholekha kadukhe khurwekhizwa kavoolwa nu muporofeti, lwayavola, " ⁵Volera vakhana va Sioni, henza mwamihi wowo yitsa khu ive muhoma yikhale khu isukhili nu khu shimoli shisukhili. ⁶Na vegitswi vatsia, nivakhola khuli Yesu yavavalaga, ⁷Ni valera isukhili ni shimoli , nivavikhakhu tsinguvu tsiavo, ma niyikalakhu. ⁸Na vanyikhi mumuganda mukali vala tsinguvu tsiavo khunjira: vandi ni varema tsisia khu misaala ni vaala khunjira. ⁹Muganda kwimila imbeli wa Yesu na kundi kulondakhu ni vanilla, ni vavola" Hosanna khu mwana wa Daudi: Ali nu vugasu uyu witsa khu lira liu mwami; Hosanna mwigulu. ¹⁰Lwa Yesu yadukha mu Yerusalemu, lidala lyosi liavukha, ni vareva, uyu ni wina? ¹¹Muganda kwosi kwavola, " Uyu ni Yesu muporofeti wa Nazareti ya Galilaya. ¹²Yesu yinjira mulitempeli. Na va khunganyinya vosi valivakulitsanga nu khukula vindu mulitempeli, na khunaminyo tsimesa tsia vashiranyinyi vi tsisenti, nakunamula visako vya vakulitsi vitudi. ¹³Na yavavolera, " kang'odwa, Inzu yanje ilalangwa inzu yi lisaala, navutswa munye mujikholi khuva luhangaywanlwa vanuli. ¹⁴Na vavekhu na valema vitsa khuye mulitempeli navahonyinya. ¹⁵Navutswa lwa vasalisi na vang'odi valola vindu vyukhuchenyinya vyayakhola, na vana ni vanilira mulitempeli, ni vavola, "Hosanna khu mwana wa Daudi", vamanya vavihililwa. ¹⁶Ni vavoolera, shu hulira ka yava vavolanga? Na Yesu yavavolera, Yee, shimwasoma, mumunua cha vana na vanunanga, ulalomba litsominya liagiligali? ¹⁷Na Yesu yavalekha natsi ilwanyo wi lidala, khutsia mwidala lia Bethani nagona yiweneyo. ¹⁸Mugamba kwene lwayagalukha mulidal lia Yerusalemu, yali ni inzala. ¹⁹Lwa yalola musala ku mukhuyu haluвеga lwi injila, yatsia khugwo, na shiyanyolakhu shindu, navutswa masambu mele, na

kuvolera,mukhuyu makhuyu kakhama khuyive khurula nunudi ni mihiga chosi,nahonoho mukhuyu yoko kwaniaala.

²⁰Lwa vegitswi vakuloli, vachenya, ni vavola, mukhuyu kuniali ndina vwanu. ²¹Yesu yarevula na vavolera ndi,kageligali muvolera munye numuva ni lisuuvira, na muvule khuhayahayitsa, shimulakhola vutsa yaka kakholekhe khu mukhuyu tawe, navutswa khandi mulavolera shikulu yishi, rula yaha u suvwe mu inyanza, na kalakholeha ndio. ²²Na khu vindu vyosi vya mureva mulisala, ni musuvira, mulanyola. ²³Na lwayali niyitsanga mulitempeli vasalisi vagali na vakhulundu vavandu vtsa khuye naye niyegitsanaga, ni vavolani khu vunyali shina ive ukholeramu vindu yivi? na ni wina yakhuha vunyali yuvu? ²⁴Na Yesu yarevula na vavolera, na inze ndavareva shndu shilala, ni mumbolera khandi yinze ndamuvolera ni khuvunyali shina vvakholeramu vindu yivi. ²⁵Libatisa lia yohana- liarula hena? Liarula mwigulu, anoho khu vandu?Navo vaganagana, ni vavola, ni khuvola, khurula mwigulu alakhuvolera shijira shina khwavula khu musuvira? ²⁶Na nukhuvola khu vandu, khwaria mukanda, shijira vosi vavola Yohana nu maporofeti. ²⁷Na varevula nivavola Yesu, shikumanyi tawe.Nayavavolera khandi inze shindavavolera ni khu vunyali shina vvakholera vindu yivi. ²⁸Navutswa muganagana shina? Mundu mulala yali na vana vaviri vayayi, yitsa khuwukhuranga namuvolera utsii khuyinzir mumizabibu chanje nunundi. ²⁹Navutswa muyayi wuyu yarevulila navola tsitsa mba:na lwinyuma yakalukhanyinya tsinganagani natsia na yinzira. ³⁰Khandi yitsa khuwakhaviri namuvolera khandi ndio, narevula namuvolera, ndatsia mwami, navutswa shiyatsia mba. ³¹Uli hena khu vaviri yavo yakhola vulalili vwa tat wewe? Vamuvolera, wukhuranga.Yesu yavavolera kageligali vavoleramunye, vasololi na vaheyi ,vilinjira muvwami vwa Nyasaye imberi wenyu. ³²Shijira Yohana yitsa khu munye khu injira yu vulunji na shimwamusuuvira:navutswa vasololi na vaheyi vamusuuvira: na munye, lwa muloli, shimwiganira lwinyuma, mudukhe khu suvira muye. ³³Muhulile luganu lundi:khwalihu nu mundu mwene inzu, yaraka mizabibu,nachilombera lugaga.nayava vwina vukhukhamilamu, ni yumbakha shitalazi,na hana khu vahinziri ma natsia mu shivala shi ihale. ³⁴Na lwa inyinga ya makhuyu yali ni dukhi, yaruma varugwa veve khu vahinziri, vavukule makhuyu keke khuvo. ³⁵Na vahinzili vavukula varugwa, nivavakhupa mulala, niviira wundi, na wundi ni vamulasa na majina. ³⁶Khandi mwene mulimi yaruma varugwa vandi vanyikhi khuvira vukhuranga, ni vavakholera ndio khandi. ³⁷Navutswa lwinyuma yaruma mwana wewe, navola valaria mwana wanje. ³⁸Navutswa lwa vahinziri valola mwana, vavolerana vene khu vene, uyu nu mlindi wi miandu hambu, khumwire ma khuvugule miandu cheche. ³⁹Nivamugumira, ni vamorulitsa ilwanyi wi mizabibu, ni va mwira. ⁴⁰Lwa mwene mizabibu lwalidukha alakhola shina khu vahinziri? ⁴¹Vamuvolera, alononyinya vandu vatamanu yavo, na alahana mizabibu cheche khuh vahinziri vandi, vanyala khulera makhuyu khu inyinga yakwo. ⁴²Yesu yavavolera shimwasoma mumang'oda, lijina lia vumbakhi vambakhana, yili lia dukha murwi ku lwiga lwiyinzu, yaga karula khu mwami, kali kukhuchenyinya mutsimoni tsiere? ⁴³Khu lwayako muvolera munye, vwami vwa Nyasaye vularula khumunye, na vulahelwa khu shivala shaminya makhuyu kavwo. ⁴⁴Na khu wosi ulikwa khulijina yili ala munikhaga: na khuvosi wa likwira,lilamusia akwi khuli lugushi. ⁴⁵Lwa vasalisi vagali na vafarisayo vahulira tsinganu tsietsie, vamanya avola khuvo. ⁴⁶Lwa venya khumukumira, varia muganda, shijira muganda vamuvukula khuva muporofeti.

22

¹Yesu yamoloma navo khandi mutsinganu, navoola: ²Vwami vu mwikulu vuli khulii mwami mulala, walomba shiserero shyu mwana wewe muyayi. ³Naruma vayinzili veve khuvalanga vacheni vali valangwa mushiserero, navutswa nivambakhana khwitsa. ⁴Yaruma khandi vaynziri vandi khukalukhila khuvalanga vacheni vali valangwa ,"Henzi malii khudekha vyukhulia.Tsijirishi nitsing'ombe tsianje tsivere tsikhomeru tsisinzilwe khale, na vulishindu shili shirejekhe.Hambu mushiserero." ⁵Navutswa shivakhulihitsa mba, nikhali vazia khumiyinzi chavo, mulala yazia mumulimi mwe, na wundi khu [viashara] vwuvukhala vwevwe. ⁶Navandi vakumila vayinziri vu mwami yavarumila khuvalanga , ni vavasalilitsa, nu khuvira. ⁷Mwami woyo yavukula vurhima nukhuruma vasikali veve khuzia khwira avalumindi yavo nu khusamba litaala lyavo. ⁸Vamanya navoolera vayinziri veve, shiserero shitukhi, na yavo valangwa shivatukhananga tawe. ⁹Khulwayako tsii khutsinjira, mulange vandu vanyikhi khuli munyala, ma muvinjiritse mushiserero. ¹⁰Vayinziri vatsia khutsinjira, nukhuvunjiza vandu vosi vavanyola, vadamanu na valahi: khu shiserero shitsula vajeni. ¹¹Lwa mwami yitsa khulola vajeni, yalolamu musadza mulala yakhali ni tsinguvu tsyu mushiserero. ¹²Na mwami yamureva, "Mulina yiwe, witsi ndina munu vuchira inguvu yishiserero? naye shiyali nu lyukhuvoola. ¹³Mwami yamanya avoolere vayinziri veve, muvohi makhono ni vilenje, mumurultse ilwanyi nu khumusyuva mushisundi , hanukhuve nu khulila nu khuteteitsa mino. ¹⁴Vanyikhi valalangwa, navutswa vatiti navo varovolwa. ¹⁵Na Vafarisayo vamanya varule ilwanyi khatsia khulokhitsa khuli vyala khumuyaala Yesu na mang'anake. ¹⁶Vamanya vamorumile vechitswi vavo , nivali halal na vasikali va Herode[maherode] .Nivavoolera Yesu," mwechitsi, khumanyi yiwe n wa kilikali, khandi wechitsa injira ya nyasayemu vwa kilikali.Khandi syuhenderanga mwoyo ka vandu vavoolanga:shichira shuhenzanga khuli mundu ali khandi shyuli niliyanzilila vandu valla ni liavukhanyiya. ¹⁷Khu lwa yako khuvoolere, ukanagana shina? nililako mundu kuhana vushuru khu kaisari,anoho tawe? ¹⁸Navutswa Yesu yamna vali ni inganagani indamanu, navavoolera," shichira shina mwitsi khunjeritsa, munye vagadi? ¹⁹Manyinyi ligongolo litsisendi tsia murungila vusuru." Nivamulera ligongolo li tsisendi tsi idenari. ²⁰Mulidukhu lienyero vasadukayo viitsa khuye, yava navo vavoolanga shahaliho ni lisimukukhitswa, ni vamura, ²¹nivavola, mwechitsi, Musa yavoola, mundu musatsa nakhutsi, nakhali nu mwana, amwavowe, alalerha mukhali wewe ma amwivulile vana. ²²Khwaloho na vamwavo sapa,wukhuranga, lwayali ni ya khaserera mukhali, yakhutsa, na vuchira mwana wosi,na lekha mukhali wewe khu amwavo wewe. ²³Malala mele kikholekha khu wa khavili, nu wa

khavaka,kutukha khu wa kharanu na vavili. ²⁷Ma lukhumalilikha khuvoosi mukhali wenoyo yakhutsa khandi.

²⁸Khulwayako mulitukhu lyukhusimukukhitsuwa, yitsa ave mukhali wa winakuh va mwavo sapa yava? Shichira vosi vaali naye. ²⁹Yesu yavarevulila, mwakora, shimwamanya mang'ota, ni tsingulu tsya Nyasaye tawe. ³⁰Mulisimukhitsuwa, shi vasererananga anoho khusererwa, navutswa, vali khuli tsingelosi tsia Nyasaye mwikulu. ³¹Navutswa khulondekhana ni lisimukhitsuwa lya vakhutsu, shiu mwasoma kavoolwa khumunye na Nyasaye, na voolanga ³²Yinze ni Nyasaye wa Abrahamu, Nyasaye wa Isaka, khandi Nyasaye wa Yakobo? Nyasaye shali Nyasaye wa vakhutsu tawe, navutswa wa vali mwoyo. ³³Lwumukanda kwahulila makhuva yaka, vachenyinywa, khu mechitso keke. ³⁴Na lwa vafarisayo vahulila ,Yesu akholi vasadukayo khulolekha khuli vasiro nukhuvashiling'anyinya, viivunjeritsa ³⁵Mulala khuvo, nali mwechitsi wa malako, yamureva lirheva, khumuchelitsa, na voola, ³⁶Mwechitsi, lilako shina likali mu maloko kosi? ³⁷Yesu yamuvoolera, Uyanze Nyasaye wowo nu mwoyo kwokwo kwosi, nu vulamu vwovwo vwosi, nitsinganagani tsotso tyosi. ³⁸Yili nalyo lilaka lyukhuranga khandi likali mu malako kosi. ³⁹Lya khavili lisasana nalyo, Uyanze murende wow khuli wiyanzanga yiwe mwene. ⁴⁰Khu malako kavili yaka nako ka malako koosi na vaprofeti vahenzakhu. ⁴¹Lwa vafarisayo vali nivashivunjelitse halala, Yesu yavareva lireva. ⁴²Navoola, munye munganaganandi shichira Kristo? Ni mwana wa wina? vamuvolera ni mwana wa Daudi. ⁴³Yamanya avavoolere, kakhava ndina Daudi nali muroho yamulanga Mwami, lwayavoola, ⁴⁴Mwami yavoolera Mwami wanje, wikhale khumukhono kwanje mulunji, khutukha lwanomba vatsiku vovo khuva shirumbi shyi vilenje vyovyoy? ⁴⁵Niva Daudi amulanga Mwami, nave ndina mwana wewe? ⁴⁶Shiyaliho nu mundu wamukulukitsila likuva tawe, na shiyaliho mundu wosi wakhajelitse khumureva khu mareva khurula inyinga yi lidukhu yelo.

23¹

²Navavoolera vang'odi na vafarisayo vikhalanga mushisako sha Musa: ³Khu lwayako kavalaka mukahenzelitse khandi mukarhwekhitse; navutswa mukhakholi, khuli yavo vakholanga mihinzi tawe, shichira vavoola vindu navutswa shivavikholanga tawe. ⁴Vatiukhanga vandu misiko militoho chya vavula khunyalitsa khujinga tawe, vachivikha khu maveka gavo , navo vene shivanyala khuchisundakhu shilala khu videre vyavo. ⁵Vakhola vikholwa vyavo khuvandu vavalole. Shichira vivohanga mishipi chia mang'oda, kalikhu, nu khuvweni vwavo, nukhu makhonogavo khandi varambihitsanga lupindo lutsinguvu tsiavao. ⁶Khandi vayananga vwiwangu vwahikulu muvyikhalo vwivilililya, khandi muvirumbi vya hambeli mumasinagoki. ⁷Vayananga khuhelwa milembe mutsisokoni, khandi khulangwa mira kuvukhongo vwavo "mwechitsi" na vandu. ⁸Navutswa munye mukhenya mulangwe "Mwechitsi" shichira muli nu mwechitsi mulala, nali Kristo na munye ni vamwavo. ⁹Mukhalanga mundu wosi khulilova "TaTa" shichira muli na Tata mulala wonyene ali Mwikulu. ¹⁰Khali numunye mukhalangwi "mwechitsi" :shichira muli nu mwechitsi mulala, nali Kristo. ¹¹Navutswa woyon ali mukalia mumunye alava murhumikhi khumunye. ¹²Na wosi wichinjiriranga alachehitsuwa, na woyo wichehitsuwa alachingulwa. ¹³Nuvutinyu khu munye , vang'oti na vafarisayovamuli vakaati! Mwikalanga muliango kwu vwami vu mwikulu mutsimoni tsia vandu. Na Khali munye vene mwaramwa khwinjiram, khandi shiumwenyela yavo venye khutsiamu vinjilemu. ¹⁴Muli khuvutinyu munye vang'oti na vafarisayo vamuli vakaati, mulitsanga miandu nukhuchimala mutsinzu tsia vakhunzakhali, numwikhola musaalama lisaala lirambi, khulwayako mulikhanyole lisalilitswa likali. ¹⁵Muli nuvutinyu munye vang'oti na vafarisayo, munye vamuli vakaati, mwambukhanga inyanza khulilova, khutsisa mulimbe mulunji mulala, lwamumulombanga mumulomba khuva mwana wumushihatishi hali khavili khuvira munye vene. ¹⁶Nuvutinyu khu munye vimilili vavekhu, muvoolanga woyo wisuha khuli tempeli, ni vutswa. Nikhali woyo wisuha khu izahapu yi litempeli, ali ni likovi li shivoho shilisuha lie. ¹⁷Munye vavekhu vasilo, Shikali khu vindu vivili yevo nishilena? izahapu anohp litempeli lilomba izahapu ive intakase? ¹⁸Khandi woyo wisuha khuvwali nivutswa, nikhali wisuha khu shihanwa shyukhuvwali , ni muvohe khulisuha lie. ¹⁹Munye vasilo khandi vavekhu, ni shilena shilikhu shikali, ni shihanwa anoho ni vwali vutakasanga shihanwa? ²⁰Khulwayako mundu wosi wisuhanga khuvwali, yisuhilanga vwali ni viosi vilikhu. ²¹Woyo wisuhanga khu litempeli yisuha khuli tempeli nu khu woyo umenyimu. ²²Na woyo wisuhanga khulikulu yisuha khu indeve ya Nyasaye na khandi khu woyo wikhalakhu. ²³²⁴Munye vimilili vavekhu, vamukhunga inji mu shamung'wetsanga navutswa mumiilanga ingamia! ²⁵Muli nuvutinyu munye vang'odi na vafarisayo, vavehi! Shichira mwojitsa shikombe ilwanyi khandi yilwanyi wi isahani, namulekha mukari khwayitsula vunuri nukhwiyeneyera. ²⁶Munye vafarisayo vavekhu! mwanze khwojitsa mukari mwishikombe khandi mwisahani, khulero mumale ni khwojitsa ilwanyi. ²⁷Muli nuvutinyu munye vafarisayo na vang'odi, vavehi! Shichira muli khuli vilindwa vismiti vyavekhuwa ilanji indavu ilwanyi , vamulolekha vanihu ilwanyi navutswa mukari ni vikumba vyavakhutsu nu ikhulio ikundanga. ²⁸Munjira indalanzere, mulolekha ilwanyi vatakatifu khuvandu, navutswa mukari mwayitsula vugadi ni limunaka mang'ota. ²⁹Mulikhuvutinyu munye vechitsi vamaalako, na vang'oti, muli vakati! Shichira mubakha vilindwa vya vaporofeti navutswa munihitsa vilindwa vya valunji. ³⁰Muvoola, khwakhamenyi mutsinyinga tsia vatata veru, shyukhwakhaasanji khurakhitsa shisayi sha vaporofeti khuli vakhloa. ³¹Khu lwayako mwihanila lilolekhitsa lyenyu ndi muli vana va yavo viira vaporofeti. ³²Henzi vene ma muhane shijero shyu vwoni vwa tata venyu shitukhananga. ³³Munye tsinzukha, likhula lili vihirikoma, munyala khwihononokha ndi likhalachirwa lyu mushihatishi? ³⁴Khulwayako henzi murumila vaporofeti na vacheri na vang'oti. Valala khuvo mulaviira nu khuvavamba, na vandi mwitsa muvalavashuta tsipokolo mumasinakoki kenya nukhuva khunga khurula mwitala mwavali vadukhe khwilukhila mwitala lindi ni lindi. ³⁵Khu lwayako shisalia sha masayi kavalunji vosi varakhitsuwa hasi hanu , khurula khu shisayi sha Abeli, woyo wakhali nuvwoni, khutukha khu Zakaria mwana wa Barakia, woyo wa mwiriila mwitempeli nali

hakari hu vwali na hatakatifu. ³⁶Kakilikali muvoolera, yaka kosi kalavatukhila vandu vi likhula yili. ³⁷Yerusalemu, Yerusalemu, yive wiranga vaporofeti nukhuvalasa majina yavo varumangwa khuyive! Ni khanga ndajeritsa khuvunjitsa halala vana vovo, khuli lwi ingokho yivunjitsa viminyoli halala mutsimbahatsye, navutswa shyuwenya mba! ³⁸Henza inzu yoyo imali khulekhwa khwive nili inzele nu khung'anywa. ³⁹Khuvooolera, shyumulandola khandi khurula lweneyulu, khutukha lwanumuvoole, "ali nuvukaasu woyo witsanga mulira lyu mwami."

24¹

²Yavarevulila na va voolera shiumulola yaga kosi? musuuvile, muvolera, livulaho lijina lili hikulu khulindi lilivula khutong'okhana. ³Lwa yali niyikhale khu sikulu sha mizietuni, vechitswi veve vamwitsila kalaha nivavola, khuvolele makhuva yaka kali kholekha lina? Shimanyiro shilita lyolyo ni shina, na limala li shivala ni lina? ⁴Yesu yarevula na vavolera, henzi mundu akhavakata nu khumuhila muligora mba. ⁵Shijira vanyikhi valitsa ni lira lyanje, nivavola, inze ndi Kristo navo valakata vanyikhi. ⁶Mulahulira lihe nu vuvehi vya mahe. Muhenze muvule khusundwa, shijira yako kosi kadukhananga khukholekha, navutswa limala lyako lishili. ⁷Shijira shivala shilarula khulwana nishivala shindi, nu vwamihi vulavukhilana nu vwami vundi, khulava ni inzala, nilitejera lishivala hosi. ⁸Yako kosi nako liranga lyu vusalili. ⁹Inyanga yeneyo mulatsamwa munyole linyakhana, navo valamwira, namunye mulava vandu vukhwambakhanwa ni shivala shyosi shijira lira lyanje. ¹⁰vanyikhi valisikarala, na vatsamana nu khulekana. ¹¹Valarulila vaporofeti vanyikhi vuvuvehi nu khuvehera nu khukoritsa vanyikhi. ¹²Vwoni vulava vunyikhi, vuyanji vwa vanyikhi vulashinda. ¹³navutsa woyo wikhutsira khudukha limala, naye ulihona. ¹⁴Na ivanjeli ililwatswa mulilova lyosi, live shilolekhizo khu vivala vyosi, nalwo iyinga yilimala shivala ilidukha. ¹⁵Khulwayako lwa mulilola linyakhana lyu vwonono, yelo lyavolwa nu muporofeti Danieli, lisiinjele hatakatifu [woyo usomanga amanye], ¹⁶yavo vali Muvuyuda virukhile mushikulu; ¹⁷Na woyo uli igulu khwilungu avule khwikha khuvukula vindu viu munzu mwemwe. ¹⁸Na woyo uli mumulimi avule khukalukha inyuma khuvugula tsinguvu tsyetyse. ¹⁹Vulikhave vutinyu khu yavo valina vana na vanunyinyanga mutsinyinga tsienezo. ²⁰Musaale, lirukhaga llyenyu livule khuva munyinga yu vushindu anoho lidukhu lilisabato. ²¹Shijira munyinga yeyo khulava ni linyakhana linyikhi lishili khulolekha khurula mwiranga lilova khudukha lwenulu khandi shilikhavekhuho tawe. ²²Madukhu yako kalavula khujehizwa, shiyakhavekhuho mundu khali mulala wakhahoni; navutswa shijira varovole kalajehizwa madukhu yako. ²³Mutsinyinga yetso mundu na khuvolera; henza Yesu ali hanu, anoho yaho, mukhasuuviri. ²⁴Shijira valarulila makristo kuvuvehi, na vaporofeti vuvuvehi, valarulitsa vilolekhitso vikali viukhujenyinya; vanyole khukoritsa khali, yavo vali varovolwa. ²⁵Henzi, mmali khuvavolera imbeli. ²⁶Niva valavavolera, ali mushangalangwe; mukhatsyayo; ali munzu, mukhasuuviri. ²⁷Shichira shinga luheni lurulanga ivugwi, lulolekhana khudukha imadioli, ni ndio kiza kave litsa lielie mwana wa adamu. ²⁸Shichira hosi hakhuli ni inyama ikhutsi, haweneyaho tsinyolekha tsinditso tsivunjize. ²⁹Navutswa vudinyu vwitsinyinga yetso nivwakhawa, liuva lilatsima, mweli shikularulitsa vulavu vwevwe, tsing'ereng'ani tsilakwa khurula mwigulu, tsingulu tsyu mwigulu tsilatengeitswa. ³⁰Ni ndio shiza shive shilolekhitso shu mwana wu mundu mwikulu, na tsihiri tsyosi mulilova tsilakhikhule. Na tsitsatsimulole mwana wu mundu ni yitsanga mu malesi ni tsingulu tsingali nu vukhumi vugali. ³¹Alakharume tsingelosi tsie nu muhumu mugali kwi parapanda, na valakhavunjitse halala varovole khurula muvushindu vunne, khurula luvega lulala lu mwikulu khudukha khulundi. ³²Mwege khurula khu musalaku [mtini]: lwi tsisia tsiakwo tsianta khumela masambu matoro, mwanz khumanya inyinga yi shimiyu {muvasu} yili himbi. ³³Munye khandi lwamulola yako kosi mumanye, ali himbi, himbi ha shilivwa. ³⁴Kagiligali muvolera, lwivulu yulu shululavira yako kosi kashiri khukholekha. ³⁵Suuviri muvolera, likhula yili shililavira, khudukha vindu yivi virhwekhitswe. ³⁶Navutswa lidukhu yelo ni saa yeyo shaliho mundu umanyi; awa, khali tsingelosi tsyu mwikulu, navutswa tata wanje wonyene. ³⁷Khuli kali mumadukhu ka Nuhu, khandi nindio kiza kave mu inyinga yilitsa liu mwana wu mundu. ³⁸Khali imbula nishil khukhuva ni michelera, khwaliho nililia, ni ling'wa, liserelana nu kuhilana khuduka lidukhu lia Nuhu yinjira muliaro, ³⁹na vandu shivamanyakhu shiosi shakholekhana mba, khudukha lwi mijelela chi imbula charanga kuhila vandu- khandi ni ndio kaliza khuva mulitsa liu mwana wu mundu. ⁴⁰Vandu vaviri valava ni vali mumulimi, mulala alavugulwa; na wundi alarikala. ⁴¹Vandu vakhali vavili valava ni vali mulujina vasietsanga, mulala alvugulwa, na wundi alarikala. ⁴²Khulwayako mumenye mulilinda, shijira shiumumanyi ninlidukhu shina lwa mwami wenyu aliitsa. ⁴³Navutswa mumanye yaka, niva mwene yinzu yakhamanyi inyinga yu mwivi yitsanga, yakhalindi, nu khushinga inzu yeye vivi khuvula khumunaga nu khwinjiramu. ⁴⁴Khulwayako, munye muvevirejekhe, shijira isaa yuvula khuganagana nayo yu mwana wu mundu aliitsa. ⁴⁵Ni wina murukhi mulahi na wukhusuuvirwa, na wuvusitsa, wu mukhongo yavikha khusinjirira vayinziri ve nu khuvaha siukhulia lwitsisaa tsidukhanga? ⁴⁶Ali nu vugasu muyinziri wu mokhongo wewe alanyola na kholanga ndio lwaliitsa. ⁴⁷Kagiligali muvoolera ndi mukhongo alamuvikha khuva mwimilili wi miandu che chosi. ⁴⁸Niva muhinziri alava nu mudamanu, ma avole mumwiyo kwe, mukhongo, atsa khujereva khukalukha yinyinga indambi, ⁴⁹ma arange khuvakhupa vayinziri voshionyo, nu khulia nu khugorela khung'wa na vadandi, ⁵⁰naye mukhongo lwa yitsa khukalukha khuliduhu ni isaa yu muyinziri woyu akhamanyi. ⁵¹Mukhongo we alakha mutonye, nu khumuvikha halala na vavehi, hiitsa have ni lilila nu khutegeitsa mino.

25¹

²Varunu khuvo vali vasiro, na varanu khuvo vali vacheli. ³Lwa vakhana vasiro vavugula tsitaha tsiavo, shivavugula na makura kukhutasa kalimu lwakawa. ⁴navutswa vacheri vajinga mutsichupa makura kukhutasa kukhuranga nikawere

mutsitaha tsiavo..⁵Musatsa wukhuserelwa lwa yachereva khudukha, vakhana vukhumwaganila vosi varenjeza nu khugona tsindolo. ⁶Navutswa hakari hu vudukhu, lilanjilira liukhudukha khwa usererelwe liavolwa, "Henzii, awuyu adukhi! ruli ilwanyi mu mwaganire!".⁷Na vachima vosi vavukha, nivahambitsa tsitaha tsiavo. ⁸Vali vsoro vavolera vacheri, khuhikhu makura,shijira tsitaha tsieru tsitsimanga. ⁹navutswa vacheri varevula, kanyalikha mba, shikalakhudukha khutse na munye:mutsii khuvagulitsaga, mwigulile munye vene.¹⁰Na lwalali nivatsiitsanga khugula makura, usererelwe yiitsa, na yavo valivirejekhe vinjira naye mushirelero: nu muliango kwigalwa. ¹¹Lwinyuma viitsa vachima vandi ni vavola,Mwami mwami, khwigulile ni khutse. ¹²Navutswa yavavolera, Kagiligali muvoolera,shivamanyi mba. ¹³Khu mulinde, shijira shiumumanyi lidukhu ni isaa lwa mwana wu mundu yiitsanaga.¹⁴Khandi vwami vu mwigulu vuli khuli mundu wenya khutsia mushivala shi ihale,yalanga varugwa veve, na hana khuvo miandu cheche vamulindle. ¹⁵Mulala khuvo yamuha tsitalanta tsiranu, na wundi na muha tsiviri, na wundi khandi na muha indala. Na vuli mundu yanyola khulondekhana ni tsingulu tsiuvunyali vwe, na mundu woyo natsia khuluchendo lwelwe. ¹⁶Woyo wahelwa tsitalanta tsiranu yatsia vwangu na khola vukhala natsio, na lombamba tsindi tsitalanta tsiranu.¹⁷Na woyo yahelwa tsitalanta tsiviri khandi naye yakholo vukhala na lombamba tsindi tsiviri. ¹⁸navutswa murugwa waherwa italanta indala,yatsia nayava lilina mumalova, navisamu tsisenti tsyu mwami wewe.¹⁹Mu yinga ya mudukhu manyikhi khuvira, mukhongo wa vurugwa yavo yakalukha khuhenza miandu cheche navo. ²⁰Murugwa wali wu tsitalanta tsiranu, yiitsa nalera tsindi tsiranu tsiyanyola.Na voola Mukhongo wamba tsitalanta tsiranu, henza ndashiranyinya nu khunyola tsindi tsiranu. ²¹Mukhongo we yamuvoolera, Urio muno wakhola vulahi murugwa musuvirifu.Yive uveere musuvirifu khu vindu vititi.Ndakhuvikha khulinda vinyikhi khandi vikali.Khayinjire muvuyanzi vwu mwami wowo.²²Murugwa wanyola tsitalanta tsiviri, yiitsa navoola, Mukhongo ,wamba tsitalanta tsiviri,Henza, ndakhola vukhala nu khelera tsindi tsiviri. ²³Na mukhongo wewe yamuvolera,Urio muno murugwa mulahi kandi musuvirifu! Uvere musuvirifu khu vindu vititi, ndakhuvikha khulinda vindu vinyikhi khandi vinyikhi.Khiinjire muvuyanzi vwa mwami wowo.²⁴Na wanyola italanta idala yiitsa, navoola,Mwami.ndamayna ive uli mundu mutinyu, Uchesa ha wakharaga, khandi uvunjeritsanga hawakhasalitsa. ²⁵Ndali nu vuri, khu ndatsia khuvisa italanta yoyo mulilina hasi mumalova. henza , ushliza neyo yaha nili miandu chocho.²⁶Mwami we yamuvoolera, Yiwe murugwa mudamanu,na mugara, ive wamanya njesa handakhamiza,khandi mbunjeritsa handakhasalitsa. ²⁷Khulwayako shiuwali ulavikha tsisenti tsianje khuvashilanyinyanga na muliitsa lianje khani ndakhanyoli zianje ni tysuvukhala.²⁸Khu lwayako vugula italanta intala yali nayo ma muhane khu murumikhi wali na tsitalanta tsiranu. ²⁹Shichila khu woyo ulinivinyikhi alametwa,ma ave navyo mbunyikhi.Na woyo ukhali navyo , khali shiti shali nasho shilavukulwa khurula khuye. ³⁰Musuvi murumikhi mutamanu ilwanyi yeyo wakhuli ni shisundi, ha khulakhava ni lilila nu khuteteiza mino.l³¹Lwa mwana wu mundu aliitsa nu vukhumi vwe halala ni tsingelosi ,nu khwikhala khu shisako she shyu vwami, khandi shizula vukhumi. ³²Imbeliwe khwakhave ni tsihili na alikhavukhanyinye vundu, khuli mwayi yavukhanyinya makondi ni tsimbuli. ³³Alakhavikhe makondi khu mukhonokwe mulunji, na tsimbuli khumukhono mukaata.³⁴Nalwo lwa mwami alivavoolera yavo vukhumukhono mulunji, "Hambi munye vakasitswa na tata wanje, nyoli vwami vwamwalombelwa munye khurula lilongwa khulilova. ³⁵Shichira ndali ni inzala na munye mwamba shyukhulia, ndali nu vuluhu na munye mwamba shukhung'wa,,ndali mucheni munye mwanzinjiritsa ³⁶Ndali shahonyona munye mwafwala,ndali mulwale na munye mwandwalitsa nu khuniinda,, ndali mucheela,mwanchederera.³⁷Na valunji valakharevule nu khuvoola,"Mwami, niliina khwakhulola nuli ni inzala khukhulikhitsa, anoho nuli vuluhu khwakhung"wekhitsa,? ³⁸Lina khwakhulola nuli mucheni khwakhwinjiritsa anohonuli shahonya na khwkhufwala tsinguvu? ³⁹Khandi ni lina khwkhulola nuli mulwale, khwakhulinda nu khukhulwalitsa, anoho nuli muvuhambe , kwakhuchenderera? ⁴⁰Na Mwami alivavoolera ndi, Suviri suviri, khuli mwakholera mulala khu vamwavo vanje vali vatiti yava, mwakholera yinze.⁴¹Na alivoolera , yavo vali khumukhono mukaata, "Ruli khuyinze, munye mwalamwa, tsii mu muliuro kwalombelwa Shetani ni tsingelosi tsey vakwa. ⁴²Shichira ndali ni inzala na shumwamba shyukhulia, ndali nuvuluhu,navutswa shyumwamba syhukhung"wa mba, ⁴³Ndali mucheninautswa shyumwanyinjiritsa,ndali shyahonyo shyumwafwala, mulwale khandi nindi muvuhambe, navutswa shyumwachenderera nu khuninda.⁴⁴Navovalerevula nu khu voola, "Mwami nilina khwakhulola nuli ni inzala, anoho nuvuluhu, anoho nuli mucheni,anoho shyahonyo, anoho mulwale, anoho muvuhambe, na khwavula khurumikhila? ⁴⁵Naye alkhavarevulire, Kakilikali, muvoolera,kamwavula khukholera khu mulala khu vatiti vanje yava, mwavulakhukholera. ⁴⁶Yava valikharule khuye nukhutsia mulinyakhitswa limihika ni mihika, navutswa avalunji valakhinjire muliiva moyo likhahera mba.

26¹

²Mumanyi ndi mutukhu kavili khurula nunundi ilava inyinga yi Lipasaka, na mwana wu mundu alatsamwa nu khuhanwa avambwe".³Na avakhongo va vasalisi na vasakhulu vimilili,vivunjiza hala munzu yu mushikhalo shyu vwami vwa mukhulundu mukali , walangwa Kayafa. ⁴Nivaviritsa, vadukhe khukumira Yesu muvwivisu nu khumwira. ⁵Navutswa nivahulikitsana "ikhava inyinga yililia liumwipasaka, shichira khulomba khuvulekhuva ni lihumahuma nu khwambakhana khwu mukanda."⁶Inyinga lwa Yesu yali Bethani munzu ya Simoni wali wuchera, ⁷Lwa yali niyitili khu imesa, mukhali mulala yiitsa khuye nali ni ichupa ya makura ka kumwayu nakhandi kuvukuli vunyikhi , natsukhulula khu murwi kwe. lwayali ni yenya khulia shyukhulia. ⁸Navutswa lwa vechitswi ve valola yaka, vivihirirwa ni vavoola, "shichira shina yononyinye makura kuvukuli vunyikhi? ⁹Kakhakulanyinywe mapesa manyikhi ma kakavulwe khu vataka."¹⁰Yesu lwayamanya vakanagana yaka, yavavoolera, "Shichira shina munyakhitsa mukhali wuyu? Shichira akholi

shikholwa shilahikhwinze. ¹¹Inyinga yosi muvetsaho na vatakha , navutswa shyunumuvetsange niinze vuli inyinga yosi. ¹²Lwanzukhile makura yakakahunya vulahi nu mwayu, khumuvili kwanje,ukholi ndio khuntechekhitsa liyavirwa lianje. ¹³Muwoolera kilikali, hosi ha mang'ana malayi yaga kalilwatswa, mulilova mwosi, shikholwa shyu mukhali wuyu akholi shilitsa khumolomelwaku nu khulomba yitsuhitswe"¹⁴Na mulala khu yavo likhomi navavili , walangwa Yuda Iskarioti, yatsia khuvakhongo vavasalisi ¹⁵Na vareva, "Mulamba shina nimuvikhila Yesu mumakhono kenyu? Vamurunga mogongolo kitsisenti makhomi kavaka ki ifedha. ¹⁶Khurula inyinga yeyo Yuda yaranga khukhava vwiyanu vulahi nu khumutsama Yesu"¹⁷Khu litukhu liu khuranga lililia li mikati chivulamu mamera, vechitswi vitsa khu Yesu , vamureva, "Wenya kholombe hena khulilia liolio khulileho Pasaka?" ¹⁸Naye yavavoolera, "Y"¹⁹Na ndio vechitswi ve vakhola, khuli Yesu yavaruma, nivalomba mikati chi Lipasaka. ²⁰Iwa halukolova hatukha Yesu yali yikhala halala na vechitswi veve likhomi na vavili khulia khu imesa. ²¹Navo lwavali valitsanga, Yesu yavoola, "Suvir, suviri muwoolera, mulala khu munye alantsama" ²²Vaverera muno, varanga khumureva vuli sha mulala , "Mwami anyala khuva ninze?"²³Yarevula na vavoolera, "woyo wenya khuvikha mukhono kwe mushidavo halala ninze, naye wenya khuntsama. ²⁴Mwana wu mundu alatsia, khuli kang'otwa kalamwikholekhera. Navutswa ali nu vutinyu woyo utsama mwana wundu, kakhavere vulahi mundu woyo yakhivulwe." ²⁵Yuda, wakhamutsami yavola, "Anyal khuva ni inze, Mwechitsi?" Na muwoolera, "Ukavooli mwene". ²⁶Lwa vali valitsanga, Yesu yavukula mukati nasanditsa natong'olanyinya. Navaha vechitswi veve, nu khuvavoolera "vukuli, muli. Yuku ni muvili kwanje." ²⁷Yavukula shikombe, na sanditsa, navaha nu khuvola, 'ngw'ii vosi" ²⁸Yaka nako masahi ki indakano imbya kasundukhanga shichira vanyikhi , khuvasamiiha vwoni. ²⁹Navutswa muvolera, shindang'waku khandi matunda yaka kiidivai, khutukha litukhu yelo nditsa ching'wi vuya halal na munye muvwami. ³⁰Lwavali nivakhamala khwimba lwimbo, vasimukha nivatsia khushikulu sha Misayituni. ³¹Yesu yavavoolera vechitswi veve, "vutukhu vwa lelo munye vosi mutsitsanga khunzirukha nu khundekha, shichila mang'ota matakatifu kavoolanga, "Nyasaye aliitsa khwira mwayi, na shiayo sha makondi koosi, kaliitsa khusalana." ³²Navutswa lwamba ni mali khwisimukukha, khurula muvakhutsu, ndaranga khutsia mu lusomo lwa Galilaya imbeli wenyu."³³Na Petero yamuwoolera", khali niva vandi vosi valakhulekha, inze shindakhulekha". ³⁴Yesu yamurevulila, Kakilikal, khuvoolera, khu vudukhu vwa nunundi , itaywa ni shili khulakula , ulanyambakhana khali khavaka." ³⁵Petero namuwoolera khandi, "Khali niva ndenyekha khukhutsa na ive, shindakhwambakhana". na vechitswi vandi vosi vamuwoolera malala mele. ³⁶Na Yesu yatsia halala na vechitswi ve khutukha havalanga Gethsemani na vavoolera vechitswi veve , " ³⁷Yikhali yaha nishitsia yaho khusaala." Yavukula Petero na vikhula vavili va Zebedayo na rarhanga shiverera shyuvulidoho nu khusumbukha. ³⁸Na yavavoolera," Mwoyo kwanje kuli nuvuvereri khali vuliikhutsa. mwikhaale yaha muliinde nu khusaala niinze." ³⁹Yesu yisuunda hambeli hati, niyinama hasi nukhusaala, Tata wanje niiva kanyala khunyalikhana, ndulitsilaho shikombe shilinyakhitswa yishi. Navutswa kahava lienya lianje tawe, navutswa kave khuvulalili vyo. ⁴⁰Na yitsa khu vechitswive, navanyola vakonanga tsindolo, na reeva Petero, "Shiumuveere mulalinda nu kuhuhenzakhu ninze, khali isaa indala ninze? ⁴¹Muhenze nu khusaala muvule khukwa mumachelitso, mwoyo kwanje kwenyanga, navutswa muvili kutetekhere." ⁴²Yazia khandi lwakhaviri nasaala: "O Tata wanje nikakhanyalikhe shikombe yishi shilinyakhana shakharulitsweho mbule khushing'waku, navutswa vulalili vwo vukholekhe." ⁴³Yiiza nanyola vakoni tsindolo khandi, shichira tsimonni tsyavo ziali nu vulidoho vwitsindolo. ⁴⁴Yavalekha khandi natsya khusaala lwakhavaka, na voola mang'ana malala mele. ⁴⁵Na Yesu yatsia khu vechitswi veve navoola, "mushikonanga nukhuhulukha? Henzi isaa itukhi , yu mwana wu mundu umali khuzamwa nu khuvikhwa mu makhono ka vooni. ⁴⁶Vukhi khutsi. Henzi, mundu unzamanga arevukhe." ⁴⁷Lwayali nashimolomanga, waa! Yuda mulala khu vechitswi likhomi na vaviri halala nu mukanda kwa vasikali vi vivavi ni vikong'o khurhula khu vasaalisi vakali na vasakhulu yatukhaho. ⁴⁸Muzami woyo yali uvahele shimanyinyiro, nukhuvavoolera " mundu wamwenya khulola ninzunzuna nu khukhumberera, naye wamukumila ." ⁴⁹Yuda yitsa vulunji khu Yesu nu khumuwoolera, "Milembe mwechitsi" nu khumukhumberera nu khumuzunzuna. ⁵⁰Yesu Yamuwoolera, "mulina, shichira shina uli hanu? khola shyawitsi khukhola." Na vasikali vamanya vamukumila Yesu nu khutsia naye. ⁵¹Henza , mulala khuvechitswive yalera mukhono kwe narulitsa shivavi nakhalaka shiroyi shiu muhinziri wu musalisi mukali. ⁵²Yesu yamukaya nu khumuvolera, vikha shivavi mushiula mwashivele, khu vosi vayanza khulwanira shivavi , valakhirwe ni shivavi. ⁵³Mukanagana inze mbula vunyali vukhureva Tata wanje mwikulu lweneyulu anderele lukhululu lwi zingerosi tsyukhira mikanda likhomi na vaviri khungwanira.? ⁵⁴Navutswa niva ndakhola ndio, mang'ota matakatifu kakharhwekhitswe munjila shina kavoola yaga khutukha kalikholekha?" ⁵⁵Inyinga yeneyo Yesu yavavolera mukanda "Mwizi khwinze ni vivavi, ni vikong'o, khungumira khuli ndi munuli? Na vuli lidukhu ndavere namunye khase nukhwikhla nimwechitsa mulitempeli, Shichira shina mwavula khungumira lwenolo? ⁵⁶Nayaka kosi kamali khwikholekha khu ka vaporofeti vahandika mu mang'ota matakatifu karwekhitswe. Na vechitswi veve vosi vumulekha nu khumwirukha. ⁵⁷Na vandu vali vumukumire Yesu vamuhiira mu inzu ya kayafa musalisi muhindira , mwa vechitsi va malakona navasakhulu vali vivunjikhe. ⁵⁸Na Petero yavalonderera munyuma ihale, khudukha mulwanyo mumujitsi kwu musalisi mukali khuvosi. Yinjira mukari natsia khwikhala na valindi valindaho alole kali kakholekhe. ⁵⁹Avimiriri va vasalisi vakali, nu mukhungano kwosi vakhava vushahidi vuvehi vamujinire Yesu khu adukhe khwirwa. ⁶⁰Navutswa shivavunyola tawe , khali niva vashahidi vu vuvehi vanyikhi valolekhaho. Mwimala virulitsa vandu vavili vu vuvehi ⁶¹ni vavoola, : "Mundu uyu yavoola anyala khupomola litempeli lya Nyasaye khandi alyumbakhe vuhya mudukhu kavaka ni kakhavira." ⁶²Mukali wa vasalisi voosi yasinjila na muwoolera, "Uvulakhu lichipu liunyala khuhaana khu ka vandu yava vakhuyalilakhu?" ⁶³Navutswa Yesu yashiling'ana vutswa. Mukali wa vasalisi voosi yamureva, " Khureva imberi wa Nyasaye, khuvoolere niva yiwe naye Kristo mwana wa Nyasaye." ⁶⁴Yesu

yamurevulira, " Yiwe mwene uvooli . Navutswa khuvoolera , khurula lweneyulu ulalola mwana wu mundu ni yikhalanga khu mukhono mulunji kwu mwami wi vunyal wvosii, nu khwitsa khu malesi ku mwikulu."⁶⁵Mukali wa vasalisi voosi yarandula tsinguvu tsye nu khuvola, "umolome manyeko! Vulolekhitsi shina vundi vywa khukhavira valolekhitsi? henzi,mumali khuhulira manyeko keke. ⁶⁶Mukanakana shina?"Vamurhevilira, khuvola , " adukhana likhutsa."⁶⁷Vamanya vamurutsire mare mutsimoni, ni vamuduya tsingume, na vandi vamusamula tsikhovi ⁶⁸na vavoola, "Khuporofete, shuli Kristo . Ni wina ukhurumule?⁶⁹Inyinga yiyi Petero yali yikhale ilwanyi mu mujitsi mwenomo, na muhinziri mukhana yamwizira khumureva, "Nive mulala uvere naYesu mu-Galilaya?" ⁷⁰Navutswa Petero yamanya yambakhane, imbeli wavo vosi, nu khuvoola, "shimanyi kamuvoola mba."⁷¹Lwayali nazire khu ipochi yi shilivwa, wundi ya mulola, nu khumuvolera "mundu wuyu avere halala na Yesu mu- Nazareti." ⁷²Khandi Petero yambakhana nu khwisuha, " yinze mumanyi mba."⁷³Mu inyinga intititi yiza mulalla wavasinjira naye, namuvoolera Petero, katoto uli mulala wavo:khali lirevula lilimolomalyo limanyinya vutswa." ⁷⁴Na yaranga khwilama nu khwisuha , "awa inze shimanyi mundu wuyu," naho heneyaho itaywa yalakula. ⁷⁵Petero yamanya yitsukhitse makhuva ka Yesu yamuvolera, "Itaywa nishili khulakula umauve nunyambakhane hali khavaka." Yamanya narula ilwanyi nu khulira vululu.

27

¹Asubuhi mavwevwe, vimilili vakhongo va vasalisi na vasakhulu va vandu vikhala shikhalo nishiviritsa Yesu yirwe. ²Vamanya ni vamuvoha nu khumuhila khu mwami Pilato.³Lwa YUda yali natsami Yesu, lwayalola Yesu umali khukhalajilwa, yikosa nu khuverera ma nakalukhiza mang'ondo ki tsishilinjini makhomi kavaka ki ifetha khu vakhongo va vasalisi na vasakhulu. ⁴Navoola "khohi vwoni lwanditsi khutsama mundu wa masayi malunji." Navo yamurevulira "Keneyako ni shina khukhutse? wihenze mwene." ⁵Na Yuda yamanya avasuvile tsishilinjini makhomi kavaka tsyavali vamuhele havali mulitempeli, natsia khwisunga.⁶Vakhongo va vasalisi vavukula tsisenti tsetsetso ni vavola "shikatukhana khumalako khuvikha tsisenti khuli yitsi mwivikhilo shichira ni mirungo chi shisayi." ⁷Vamanya varevane khuli vakharumikhile, vavitsa vatsirumikhire khukula mulimi ku mulonji ma kuve kukhuyavilamu vakhutsu vali vacheni. ⁸Shichira yako, mulimi kweneyoko kwalangwa "mulimi kwi shisayi"khutukha khali khalunu.⁹Na kamanya karhwekhizwe khuli muporofeti Yeremia yavoola,"vamanya vavukule makongolo kitsisenti makhomi kavaka, ki ifetha, vukuli vwaviritswa na vana va Israeli khumurunga. ¹⁰ni vahana khukula mulimi ku mulonji, khuli mwami yali yambolera."¹¹Inyinga yiyi Yesu yasinjila imbeli wu mwami, na mwami na mureva, "Yiwe neye mwami wa vayuhudi?"Yesu yamurevulira "uvoola ndio." ¹²Navutswa lwayayalwa na vakhongo va vasalisi na vasakhulu lwenolo shiyarevulakhu shindu shosi mba. ¹³Na Mwami Pilato yamureva, "shihuhilanga vindu via vakhuyalilakhu?" ¹⁴Navutswa Yesu shiyamurevulilakhu lindi,kalomba mwami arikale mwichenya. ¹⁵Vuli litukhu lyu mulukha kwa Pasaka, Mwami yali nu mwima kukhuvoholola muvohe mulala wa ivololi ya vandu venyanga khurula muvuhambe. ¹⁶Muyinyinga yeneyo khwali nu muvohwa wanyakhitsanga vandu muno va valanga Barabba.¹⁷Lwavali vivunjelitse halala, Pilato yavareva"mwenya mbohololere muvohwa shina?" Barabba anonho Yesu wulangwa Kristo?" ¹⁸Naye yali na manyi vamulerela Yesu shichira imbotokha. ¹⁹Lwayali khu shisako shyu vukhalaji, mukhaliwe yarumana ling'ana mundu woyo avula vwoni.Shichira mumaloro kanje nunundi nyakhitswe khulondekhana khuye."²⁰Vakhongo va vasalisi na vasakhulu vamanya vavolela mukanda mureve Baraba avohololwe na Yesu yirwe., ²¹Mwami Pilato yavareva khandi ,Ulena khuvavili yava wamwenya mulakhulile khurula mushivoho?"Ni vavoola, "Barabba!". ²²Na Pilato yavareva, "mwenya khole ndina Yesu ulangwa Kristo?" Na vosi varevulila khulala "avambwe!".²³Pilato yavareva, "shichirashi? Mayolo shina kachira avambwe?" Navutswa valanjilitsa nu khuvoola ikulu "avambwe!, avambwe!". ²⁴Pilato lwayanyola avula shakhola, na vandu vasahili nunkhwenye Yesu yirwe, yavukula matsi, nasava makhono keke imbeli wu mukanda na avoola:"Inze mbula vutamanu mushisayi shyu mundu wuyu.Yaka kali khumunye."²⁵Na vandu vosi vamanya vavoola, "shisialia shia masayike shive khukhuze na vana veru." ²⁶Na yamanya na vavoholera Barabba khurula muvuhambe khuli venya.Navutswa yahana Yesu khuhulwa mishaliti ma namuhana khuvambwa.²⁷Na vasikali vu mwami vamuhila Yesu munzu yu vwami ni vamuvoyong'ana na vasikali vosi. ²⁸Vamunavula tsinguvu nu khumufwala iganza yimuji. ²⁹Valinga ingara ya mahwa kivikunga khuli itaji ni vamuvikhila khumurwi, ni vamuvikhira lusala mumukhono kwe mulunji, vasikama imbeliwe nu khumukhomolera nu khumuvoolera, "Urina mwami wa vayuhudi!"³⁰Vamurutsila maree, nivavukula lusala lwavali vamuhele nu khumukhupa khumurwi lukhukalukhila. ³¹Lwa vali vamali khumukholera shihenyehenye, vamufwalula ikanza yavali vamufwali nu khumufwala khandi inguvu yeye, ni vamuhira khuvambwa.³²Lwavarula khutsia, vamunyola mundu khurula Kirene walangwa Simoni, wa vamanya vamunike khutsingulu khumukhonya Yesu khujinga musalaba. ³³Lwa vadukha havalanga Goligotsa,kali khuvoola,"havundu hi shihanga". ³⁴Vamuha iwayini yali ni tsukanyinywe na maatsi ki indulwe ang'wi. Na lwayatsamakhu shiyajing'wa tawe.³⁵Lwavali vakhamuvamba , vagavana tsinguvu tsie khutsikhuvila ikura.Khu kara, khu karwekhitswe kavoolwa nu muporofeti, vakavana tsinguvu, khandi nivkhuvirakhu ikura. ³⁶Vikhala heneyaho khumuvikhila lilindwa litinyu. ³⁷Hikulu hu murwi kwekwe vamuhandikila khumusalaba,mang'ota, kasomanga:"UYU NI YESU MWAMI WA VAYAHUDI"³⁸Vivi vavili vavambwa halala naye,mulala khumukhono mulunji na wundi khumukhono kushikata. ³⁹Vandu vali vavira khunjira haweneyaho vamuvungulila manyeko nu khunyu mirwi chavo. ⁴⁰nu khumuvolera, "Yiwe wavola uzitsa khwononyinya litempeli ma khandi uliumbakhe vuhya mumadukhu kavaka, yihonyinye! Niva uli mwana wa Nyasaye , shukhikha hasi khurula khumusalaba!"⁴¹Malala mele, vakhongo va vasalisi vamukholera shihenyehenye,ni vali halala na vang'odi nende vasakhulu, nivamuvoolera, ⁴²"Yahonyinyanya vandu, navutswa

shunyala khwihonyinya. Ye nu mwami wa vaisraeli! Lekhi yikhe hasi khurula khumusalaba lweneyulu, nakhutse khulumusuvira.⁴³ Asuvira mu Nyasaye, lekhi Nyasaye amuhonyinye lelo, niva Nyasaye alitsa khumuvoholola. Shichira yavoola "ndi mwana wa Nyasaye!"⁴⁴ Khandi, malala mele, vivi vali nivavambilwe naye khandi navo vamunyeka.⁴⁵ Khwanzila khu saa sita tsia mmbasu, shisundi shakhunikha shivala zana khudukha saatisa halukolova.⁴⁶ Lwayadukha saa tisa, Yesu yalila nu mwoyo mukali, "Eloi, Eloi, lama sabakithani?" kali khuvoola, "Nyasaye wanje Nyasaye wanje, shichira shina undekhi?"⁴⁷ Vandu valala khuvali nivasinjileho, vamuhulila. Nivavoola "alanga Elija."⁴⁸ Vwangu mulala khuvo yirukhak⁴⁹ Vayali navo vamuvoolera lekha na naye ave, lekha khulole niva Elija alitsa khumusoola.⁵⁰ Yesu yamanahanzukha lilaanga lindi nu mwoyo kwi ikulu ma mwoyo kwe nukurula.⁵¹ Henza luvaala lwali lwashinga hambeli mulitempeli lwaarandukha nu khurulamu vivili khurula ikulu wene khudukha hasi, na shivala nasho shatejela, na tsinyanda ni tsiadikha.⁵² Vilindwa navyo viakhunukha, na mivili cha valunji valivakhutsa nu khugonyinywamu visimukukha.⁵³ Varula mu vilindwa niviitsa ilwanyi inyinga ya Yesu yaliwisimukukhe, nivinjala mulitaala litakatifu, khandi nivaalolekha khu vandu vanyikhi.⁵⁴ Na mukhongo walinda vasikali imia na vasikali vayali navo, valindanga Yesu valola litejela lishivala na kali kakholekhane, vali nu vuri muno nu huvoola, "Kakilikali uyu yali mwana wa Nyasaye."⁵⁵ Vakhali vanyikhi valiyo nivatovana khurula ihale. Valivalondekhane na Yesu khurula Galilaya niviitsa vadukhe khumurumikhila khuluvega lwi lienya lielie.⁵⁶ Halala navo khwali na Maria Makadalena, Maria mama wa Yakobo na Yosefu na mama wa vikhula va Zebedayo.⁵⁷ Munyinga ya halukolova yatukha, muruchi mulala khurula Arimathea, walaangwa Yosefu, mundu wuyu yali mulala khuvechitswi va Yesu.⁵⁸ Yatsia khu mwami Pilato, nareva ahelwe muvili kwa Yesu, Naye Pilato yahana munwa ahelwe.⁵⁹ Yosefu yavukula muvili kwa Yesu ma na lingila muluvala lulahi lulavu,⁶⁰ nu khuvikha muvili zana mushilindwashe shu luhangaywa shali shavayava mwichina, Ma na lumba kuchina kukali kukhunikhha shiliango shukhwinjlamu narulaho nu khutsia.⁶¹ Maria Makadalena, na Maria wundi valiho nivikhale luveka lundi vatovanaga mushiliango shishilindwa zana.⁶² Mukamba kwalondakhu kwali lidukhu lilondanga lidukhu liukhwirejekhela lisabato, na vimilili va vasalisi na vafarisayo vazia khu Pilato.⁶³ na vamuvoolera, "mwami, khwitsukhitse muvehi woyo nashili khukhutsa yavoola, ndisimukukha nindakhamala madukhu kavaka."⁶⁴ Khulwayako uhane vasikali vu khulinda shilinduwa she vutinyu muno, khudukha madukhu kavaka kavire. Kakhakholwa ndio vechitswive vanyala khwiza nu khwiva muvili kwekwe ma vavoolere vandu ati yisimukukhe khurula muvakhutsu. Vuvehi yuvu vumulimala vulava vutamanu muno khuvira vukhuranga.⁶⁵ Pilato yavavoolera, "munye muli na vasikali vukhulinda. Tsii muvike lilinda khuvunyali vwamunyala."⁶⁶ Vamanya ni vatsia na vasikali vukhulinda hashilindwa vutinyu, ni vavikha muhuli khulijina liali mushiliango nu khulinda haweneyaho.

28¹

² Henza, khwaliho ni litejera likali lishivala, shichira Ingelosi yu Mwami Nyasaye yikha khurula mwikulunu khuzia hashilindwa nukhlumba lichina liali mushiliango nu khwikhalakhu.³ Ingelosi yatsana yalolekha niyakhaa khuli luheni na tsinguvu tsie tsiali tsindavu huli likonza.⁴ Vasikali vali valindi hashilindwa vamuria muno, varenga nu khukwa khuli vakhutsu.⁵ Na ingelosi yeyo yavoolera vakhali yavo Mukharii mba shichira manyi mukhava Yesu wavambwa.⁶ "Shali hunu, shichira yisimukukhe, khuli yavoola. Hambu muhenze hayalikhizwa lwavamuvikha yumu.⁷ Mutsii vwangu muvavoolere vechitswi veve," Umali khwisimukukha khurula mu vakhutsu, Henzi, uranji khutsia imbeli wenyu Galilaya. Iweneyo neyo wamulamulola. Henzi, mali khuvavoolera.⁸ Nohonaho vakhali yavo varanga lujendo khurula hashilindwa, ni vitsule lijanya navutswa khandi nivali nu vuyanzi vunyikhi, vilukhaka vatsia khuvivalila vechitswive mang'ana yako.⁹ Na mulikoselakhu, Henza Yesu yakana navo, nu khuvashelitsa, "Milembe!" na vakhali yavo visunda himi khuye, nivamusikamira nukhumukumila khuvilenje vye, nukhumuha luyali.¹⁰ Na Yesu yamanya navavoolera, "Mukharii mba, zii muvavoolere vamwavo vanje vazii Galilaya, iweneyo valandola."¹¹ Lwa vakhali yavo vali khunjila nivatsitsanga, avalala khuvasikali valindanga hashilindi hashilindwa vazia mwitala, nu khuvoolera vimilili va vasalisivuli shiosi shali shikholekhe khuvo.¹² Lwa vasalisi vakali vakana na vasakhulu, vakhana vuvehi, nivaha vasikali tsienti tsinyikhi tsi ifetha.¹³ Ma nivavavoolera, "Kenyekha mwenya muvole, vechitswi veve vitsi muvudukhu nu khumwiva khutse lwakhuvere khukoni."¹⁴ Nivamakhuva yaga kalamudukhila mwami, khutse khulamoloma naye nu khumukalukhila munye muvule khusumbulwa hali hati.¹⁵ Khu lwayako vasikali vavukula tsienti yetso ni vakhola khuli vavoolerwa. Vuvehi yuvu vushivoolekha hakari ha vayuda khutukha lweneyulu.¹⁶ Na vechitswi veve nivali likhomi nu mulala, vatsia ni vadukha Galilaya, khushikulu sha Yesu yaliyavavoolera vakanilekhu.¹⁷ Lwa vamulola, vamusikamila, navutswa valala muvo vali nilihayahayitsa.¹⁸ Yesu yavitsila navavoolera, "Mpelelwe tsingulu tsiosi mwikulu na hasi mushivala,¹⁹ Tsii mulilova mwosi mukhole vundu vitsihili tsiosi khuva vechitswi vanje, muvabatise mulira lya Tata, lyu Mwana na Roho Mutakatifu.